

أحمد يونس

نادر فوده

العنوان الثالثة



سما

الطباعة المعاصرة
القاهرة واسطنبول

الصين الشاش

نادر فودة

الإهداء

إلى أخي وداعمي
ما زلت أنت سندِي وملهمي
ربما باعدتنا الأماكن قليلاً
لكن القلوب تظل قريبة طويلاً
إلى المهندس / طارق إسماعيل
أهديك هذا العمل أيضاً
وما زلت أدين لك بالفضل
دمت سيدِي قائداً وملهماً وأخا غالياً

أحمد يونس

الفصل الأول

دوّها هناك سبب ما للدجوع !

كتير جدًا الواحد منا بيتحط في موافق لا دخل له بها
يعني لا طلبها ولا سعي لها!

ده حتى ممكن يتحط في موافق هو مش فاهمها ولا مستوعبها
وده أقدر أقول أنه مش كتير بيحصل معايا لأن:

دائماً أنا الشخص اللي بيدور على المشاكل ووجع الدماغ
أنا الشخص الباحث عن المتاعب

أنا الشخص اللي غاوي وجع دماغ

أنا الشخص اللي بفتح أبواب جهنم على نفسي

بفتحها وأنا فرحان ومبسوط

بل وفخور كمان !!

العنوان الثالث

أنا الشخص اللي مبيستمتعش ب حياته وغير دقات قلبه، صوتها
أشبه بطلول الموت
اتعودت على كده!
بقا في بيني وبين النوعية دي من الحياة وفاق ووئام
لكن!! مش كل مرة تسلم الجرة
مش كل مرة الباب إللي هيتفتح هنعرف ننفله
ومش كل مرة أنا إللي هفتحه وانا فخور أوي ومبسوط
زي المرة دي بالضبط
لأن:
أنا (نادر فوده)
الصحفي بجريدة (عمق الحدث)
باب ما وراء الطبيعة
الصحفي الذي إذا طال غيابه
عاد بما يستحق أن يعود من أجله
من مدة ليست بعيدة، أعز أصدقاء الطفولة (هاني) سافر
الإمارات العربية

وكنت في حزن كبير بسبب سفره إلا أنني تعلمت حاجة كنت متأخر عنها، الحاجة دي هي تطبيقات المكالمات من نوعية: Viber ولain، وأصبح بعد المسافات غير موجود بالمرة وبقينا يمكن بنتكلم في التليفون أكثر ما كنا بنتكلم زمان.. أحكى له عن شغلي في الصحافة، وهو يحكى لي عن شغله في الهندسة..

لحد ما للأسف موبايلي المتهالك باطل بعد ما اشتكتاني وعاني الأمرين معايا وأنا لا أبالي لشکواه.

بعدها بكم يوم كلمت (هاني) من سترايل قريب من بيتي وقلت له إن التليفون مات ومش هعرف أتواصل معاه على التطبيقات سالفه الذكر، فقالي أدخل على النت يا (نادر) من الكمبيوتر عادي ونرغبي على الفيسبوك إللي انت عامله وما بتتصشن حتى عليه... تاني يوم فعلاً دخلت على الفيسبوك إللي انا هاجره بقالي زمن، يادوب بدخل على الفان بيدج على استحياء أقرأ رسائل القراء.. اتصلت بـ(هاني) على الفيسبوك ورغينا كعادتنا وقالي هبعث لك تليفون من هنا من دبي أحسن وأرخص من اللي هتجييه من عندك، الأجهزة هنا مضمونه أكثر، واحنا بنتكلم لقيت حد

العنوان الثالث

عمال يبعث لي رسائل متكررة من مستخدم اسمه (زهرة اللوتس
السوداء)!

كان مش بيكتب غير:

أستاذ (نادر)

أستاذ (نادر)

أستاذ (نادر)

أستاذ (نادر)

من كتر إلحاچه استاذنت من (هاني) قلت له: ثوانی يا (هاني)
في حد عمال يبعث لي.

وفتحت الرسالة وردت:

الفصل الثاني

زهرة اللوتس السوداء

أيوه أنا (نادر) يا افندم

- أنا بحاول أتواصل معاك من زمان.

- تمام يا فندم.

- انت فاضي نتكلم شويه؟

- اتفضل أو اتفضلي، أنا مش عارف أنت إيه واسمك ايه!

- أنا بنت، بس أفضل ما أقولش اسمي، خليها (زهرة اللوتس

السوداء).

- تمام يا (زهرة اللوتس).

- أنا عندي مشكلة ومحتجة مساعدتك.

- اتفضلي.

- والدي ووالدتي منفصلين ومن وقتها وأنا عايشة في اكتئاب

شديد.

نادر مقاطعاً: لا هو حضرتك واضح أنك فهمتني غلط، أنا مش
صحفي في باب المشاكل الأسرية!
- عارفة عارفة، إديني بس فرصه أكمل.
- اتفضلي.
- بابا لما طلق ماما طلقها بسبب أنه عاوز يتجوز عليها زميلته
في الشغل، وكان مش ناوي يعرفها ويتجوز في السر ولا يطلق
ولا غيره، لكن للأسف ماما عرفت وراحت لهم الشغل ضربتها
وفضحتهم الاثنين، فبابا جابها وجه البيت وقالها اعملي حسابك
هتجوزها وهطلقك انتي لما يجيلى مزاج! وطبعاً حضرتك متخيل
الحياة بقت عاملة ازاي.

نادر: متخيل فعلًا شكل الحياة، بس مش عارف اتخيل أنا دورى
إيه!

(زهرة اللوتس) غير مكترة لردي:

- من وقتها ماما فضلت تشفف أي وسيلة تنتقم بها من بابا، وأي
طريقه تخرب فيها الجوازة وتعكزن عليه حياته والخلافات بينهم
بقت حرفياً ما بتقفلش وانا وسطهم وممش عارفه اعمل إيه معاهم
ال الاثنين..

لحد ما في يوم كانت (حكمت) جارتنا عندنا وماما فضلت
تعيط وانفجرت في الصراح وهي بتحكي لها عن الزوج الخائن

اللي مطمرش فيه عشرة السنين دي كلها وبيجري ورا واحده

.....
بنت ..

(حڪمت) قالت لها: اجمدي كده ومتضايقيش نفسك، أنا
هوديكي للشيخ (جبران العربي) هير جعهولك زي الـ^ـ
بالمناسبة يا أستاذ (نادر) أنا مش صغيرة على فكرة، أنا عندي
(21) سنة، يعني فاهمة تماماً اللي ناويين يعملوه، فقلت لماما: ده
حرام يا ماما.

قالت لي: اخرسي خالص وإللي هو عامله فينا ده مش حرام!
من تاني يوم بدأت ماما تخرج كل يوم وتغيب بالساعات وبابا
يغيب كمان كتير برا بيستعد لزواجه الجديد وبيتحسس جداً في
معاملته معايا وبيحاول يفهمني إن ده من حقه دون ما يخوض في
عيوب ماما اللي أنا عارفها وحفظها عن ظهر قلب لكنني شايفة ان
ده ما يديلوش الحق انه بردو يتجوز عليها وإلا كان كل واحد شاف
عيوب في مراته اتجوز عليها في شهر العسل!
ماما كانت بترجع دايحة وتعبانة وتنام ولما أسألهما: في إيه؟
ماتردش.

إللي أنا كنت فاكراه إن ماما كانت بتروح لـ (جبران العربي)
ده مع (حڪمت) جارتنا لكنني اكتشفت إن ماما بتقعد كل المدة دي
عند جارتنا (حڪمت)..

يعني حاجة من اتنين، يا رغبي سبات ونميمة وتحريض من (حکمت) لماما بما أنها مطلقة وأكيد يعني عاوزة تضم ماما للفريق أو (جبران) ده بيعمل جلساته دي عند (حکمت) في البيت وماما عندها!

في مرة كنت قاعدة بتتكلم في موبايلي، ماما دخلت عليا بعلبة شوكولاتة من إللي بحبها وكعادتي قلت لها: دي رشوة أكيد يا فطوووم.

ضحكـت وقالـت ليـ: عـاوزـة أـتعلـمـ النـتـ.

استغربـت جـداً من الـطلبـ دـهـ!

قلـتـ لهاـ: دـهـ اـنتـيـ ياـ مـامـاـ ماـ بـتـقـولـيشـ عـلـيـهـ غـيرـ الزـفـتـ الزـفـتـ..

قومـيـ منـ عـلـىـ الزـفـتـ

بطـلـيـ الزـفـتـ

الـزـفـتـ دـهـ هوـ إـلـيـ هـيـضـيـعـكـ!

قالـتـ ليـ: لـأـأـصـلـ أناـلـمـارـحتـ عـنـدـ (ـحـكـمـتـ)ـ لـاقـيـتـهاـ فـاتـحةـ طـرـيقـةـ عـمـلـ (ـالمـبـكـبـكـةـ)ـ وـبـتـعـمـلـهاـ لـوـلـادـ اـخـوـهـاـ.

زهرـةـ اللـوـتسـ: طـرـيقـةـ عـمـلـ مـيـنـ؟

- (ـالمـبـكـبـكـةـ)ـ دـيـ أـكـلـهـاـ لـيـبـيـ أـكـلـهـاـ عـنـدـهاـ وـحلـوةـ أـوـيـ وـلـازـمـ اـدـوـقـهـالـكـ.

بصيٍت لها بخبت وقلت لها: ماشي يا بطُوووس، بس مش
عاوزاه لسبب تاني؟!

ماما اتلخبطت وقالت لي: هيكون سبب تاني إيه يعني؟
زهرة اللوتس: يعني مثلاً تشوفي حاجات وحركات ومسكات
نرجع بها الجدع.

ماما وشها احمر من الكسوف وقالت لي: عيب يا بت انت.
قلت لها: أو مال لو قلت لك التقيلة..
ووشوشتها...

قالت: يانهارك اسود، انتي عرفتي الحاجات دي من الزفت ده؟
قلت لها: يادى النيلة، رجعنا للزفت تاني، خلاص خلاص أنا
هعلمك ماشي بس خايفه عليكى من الانحراف يا بطُوووس.
ماما: لأ يا أختي علميني بس وعرفيني اكتر عنه.

زهرة اللوتس السوداء: أنا قلت في انحراف جاي، محدش
مصدقني.

ماما: ده حتى (حكمت) هتنزلني تطبيق مهم.
زهرة اللوتس: تطبيق إيه ده يا فالحة؟ اعترفي.
ماما: ده تطبيق عن إزاى الواحدة شكلها يرجع صغير بمتتجات
طبيعية.

أنا: دخلنا في جو (فتكات) من بدري.

وضحكت..

ماما: (فتكات) مين يا بنت انتي؟

أنا: لأ متقلقيش، كله بيعدى على (فتكات) يا فتوكة يا مستجدة.

وبدأت يا (نادر) تعلم ماما النت!!

بدأت تعلم ماما اللي عاوزة تعرفه عن النت وكانت نوعية أسئلة

ماما منصبة في كذا نقطة..

1 - عاوزة محدش يخترق حساباتي أو يعرف أنا بعمل إيه.

2 - عاوزة باقات نت كثيرة أوي.....

ماما كان استهلاكها للنت مش منطقي فعلاً.

خلال أسبوع ماما كانت حرفياً اتعلمت كل اللي عاوزاه!

بس على عكس كل الأمهات المستجدات على النت، اقترحت

عليها أعمل لها حساب على فيسبوك، قالت لي: لأ مش عاوزة.

بقت لما تبعد في البيت، تشغل يوتيوب عن أكلات وتعملها هنا،

بابا نفسه لاحظ أن فيه أكلات اختفت من منيو البيت من نوعية

(صينية البطاطس والبسلة والبامية والسبانخ) وأضيف للمنيو

أكلات مكناش بناكلها غير في المطاعم والكافيهات وإللي ماما

زمان بالنسبة لها ده مكانش اسمه أكل، ده اسمه وجع بطن!

يعني مثلًا ماما بقت محترفة (كوردون بلو - نجرسکوا - بيكاتا

بالماشروع)

أي نعم هي عكت شوية يا (نادر) بس خلال شهر فعلاً بقت
شاطرة بجد.

نادر: أنا لحد دلوقتي بسمع قصة من محكمة الأسرة يا (زهرة)
على طبق اليوم على كيف تعدين زوجك! ممكن نختصر عشان أنا
فعلاً تعبان وعاوز أنام.

زهرة اللوتس: حاضر.. حاضر، كل إللي حكيتهولك ده مهم
صدقني، زيارات ماما لـ (حكمت) جارتنا زادت، ولما قلت لها
من باب الملاحظة بس، زعقت لي واضايقتن جدًا مني، فسكت
وبطلت اعلق...

الفصل الثالث

هذا ما جنته ألهي!

وفي ليلة صحيت على صرخة

قمت نطيت من على السرير وجريت على أوضة ماما، لاقيتها
نامية عادي، رجعت سمعت صوت واحدة بتضحك، والصوت
كان جاي من الصالة، فخرجت برا اتسحب بالراحة للصالاة، لاقيت
أعجب منظر شوفته في حياتي:

- ماما اللي لسه شايهاها ف الأوضة لقيتها في الصالة بس كانت
واقفة جوا طبق بلاستيك كبير بتاع الغسيل !!

الطبق مليان دم وماما ماسكة شفشق وبتعبي من الدم اللي واقفه
فيه وبتتصب منه على راسها كأنها بتستحمى به! هدومنها كانت
غرقانة دم وشعرها كله أبيض! أنا حرفياً اتكهررت من المشهد ده
وفضلت متخلسبة في مكاني !

ماما وطت جابت من على الأرض من جنب الطبق تلات
قمصان بتوع بابا وحطيتهم في طبق الغسيل المليان بالدم وغطستهم
وداست عليهم برجلها زي مشهد الغسيل بتاع زمان وقالت:

بحكم الدم وليس بالرباط المقدس

بحكم الجن وليس بشرع السماء

بحكم قوى الظلام وليس قوى النور

بحكم إبليس وليس بحكم الإله

أنفذ شروط المحفل الثالث وأحصل على ما أريد

لما قالت آخر جمله دي، الدم إللي كانت واقفة فيه فضل يفور
يفور! وما عمالة تضحك زي المجانين، الدم من كتر فورانه خرج
برا الطبق ونزل على الأرض وبدأ يسيل وينتشر بسرعة كأنه سيل،
وهو سايل على الأرض خرج من الطبق البلاستيك فيران! أيوه
فيران سودا وغامقه جداً بتخرج بسرعة من الطبق وعمالة تجري في
كل حبة، أعدادهم كانت رهيبة! شكلهم مكنش معرف لا! شكلهم
مخيف مخيف وكأنهم وحوش صغيره بتنتشر في أرجاء الصالة،
أعدادهم بالمئات، كانوا عمالين يجروا تحت الكراسي والكنب
ويستخبو الحد ما كلهم اختفوا، وعيونهم لامعة ظاهرة من الضلامة

اللي تحت الكراسي ! أما ماما فكانت واقفة زي الصنم ... رافعة
راسها لفوق بتبعن على السقف وعمالة تكرر كلمة واحدة :

المكافأة

المكافأة

المكافأة

بصيت مكان ما هي بتبعن لقيت في شرخ أسود في السقف
صغرٍ جداً بس بيزيـد وبـيـتـحـرك ويـجـري في السـقـف كـلـه بـسـرـعـة
جنونـية ! وبـدـأ يـزـيد ويـزـيد ويـزـيد ..

وـقـع جـزـء من دـهـان وـبـيـاض السـقـف عـلـى الـأـرـض ، بـعـدـها جـزـء
تـانـي وـتـالـت وـرـابـع ، كـدـه السـقـف هـيـطـرـيق عـلـى دـمـاغـ مـامـا ! وـلـا أـصـلـاـ
دي مش مـامـا ، وـمـامـا اللي سـايـباـها نـايـمة جـواـ؟ !!

أـنا وـقـفت مش عـارـفـه أـعـمـل إـيه ! وـلـا حـتـى عـارـفـه أـفـكـر
وـحـصـلـ المـتـوـقـع ؛ السـقـف انـهـارـ كـلـه عـلـى الـأـرـض حـوـالـين مـامـا
وـمـوـقـعـشـ حاجـةـ عـلـيـهاـ نـهـائـيـ ، بـسـ مشـ الشـرـخـ السـبـبـ !

الـسـبـبـ إـلـيـ نـزـلـ منـ السـقـفـ ، كـائـنـ ضـخـمـ مـخـيـفـ لـهـ عـيـنـ وـاحـدةـ
لاـبـسـ لـبـسـ عـاـمـلـ زـيـ بـتـوـعـ زـمـانـ وـعـيـنـهـ الـوـحـيـدـةـ دـيـ حـمـراـ تـمـاماـ،
نـزـلـ وـوـقـفـ قـدـامـ مـامـاـ ، أـمـيـ نـزـلتـ رـاسـهـاـ وـبـصـتـ لـهـ بـفـرـحةـ مشـ

العين الثالثة

مفهومة! لف حواليها ولفت معاه وهي واقفة في الطبق اللي اتحول
الدم اللي فيه لسائل اسود!

وقف بثبات قدامها ورفع إيده وحطها على دماغ ماما، فضلت
ترعش تترعش تترعش ويخرج من بوقيها رغوة بيضا كتيرة جداً
نزلت على جسمها كله، رغوة كتير ومعاها عينين ماما اتحولت
لنفس لون عينه الحمرا، وفجأة ظهر له جناحين فردهم وطبقهم
على ماما للدرجة أنها اختفت جواه، وارتفع بها عن الأرض، مكاش
بain غير رجليها إللي بتترعش بسرعة، وطار لفوق وخدتها معاه!

بعد ذهول لثواني اتحركت وبصيت على السقف لقيت السماء
وسواد الليل الحالك!

حالة من الخرس متملكانى، مش عارفة ده إيه وإزاي فيلم
الرعب ده حصل قدامي!

لحد ما فوقت على صوت ماما بتقولي:

- إيه إللي موقفك كده؟!

اتلفت ورايا ما لقتش ماما، لقيت الكائن صاحب العين الواحدة
بيبص لي بابتسمة مخيفة! وقعت من طولي لما شوفته.

معرفش فضلت أديه فاقدة الوعي، لكن لما فوقت لقيتي
نايمه على الكنبة في الصالة وما ما بتخبطني على وشي عشان أ فوق
وبتقولي:

- انت بتخرفي وانت نايمه؟

فوقت بصيت لها بربع وقومت نطيت من على الكنبة، ووقفت
وفضلت أبص حواليا وأنا بحاول أترجم إللي حصل ده، كان حلم
ولا علم ولا إيه بالضبط!

السقف السليم!

مفيش طبق!

مفيش فيران!

مفيش دم!

مفيش وحوش!

مفيش أي حاجة من اللي حصلت!

من نظرات ماما ومن الصالة الفاضية إللي مفيهاش أثر لأي
حاجة، قررت أسكط لحد ما أفهم إيه إللي حصل بالضبط.

معايا يا أستاذ (نادر) أستاذ نادر؟ حضرتك معايا؟

نادر: أيوه أيوه معاكي.. كملني ...

زهرة اللوتس: كنت متأكدة إن (جبران) ده كده ساحر وهو إللي سلط الجن ده يجي البيت ويعمل إللي عمله! بس بردہ مفیش في إیدي أي دلیل ملموس! تاني يوم ماما مخرجتش من أوضتها بعد الظهر، وكنت كل ما أخبط عليها تقولي حاضر وسامعاها بتعطيه شويه وشويه بتضحك وما بتفتحش الباب لحد ما خرجت وكانت لابسة عبایة سودا وصابغة شعرها ولفاه بإيشارب، ودخلت الحمام وقالت لي: أنا هغسل الصبغة وهطلع نفتر سوا.

بعد ما دخلت الحمام بربع ساعة كاملة، سمعتها بتضحك جدًا وبتقول: الليلة أنا نفذت والليلة المكافأة.

لما ماما خرجت كانت الصدمة؛ ماما شعرها كله كان أبيض!! نفس الشكل إللي شوفتها به في الصالة إمبارح بالضبط، غصب عنى زعقت وقلت لها:

- إيه ده يا ماما إللي عملتيه في نفسك ده؟!

ردت عليا بمنتهى البرود:

- معلش فترة مؤقتة وهرجع أصبعه بعد كده وأرجعه أسود ولا أصفر أو حتى أحمر.

زهرة اللوتس: طب ليه كل ده؟

- من غير ليه.

الفصل الرابعة

هذا ما جناه أبي

بابا لاما رجع دبوا خنaque لرب السما مع بعض بسبب لون شعر
ماما وقالها: هو انتي ناقصة ما إنتي عجزتي خلقة خلاص!
الجملة دي كانت مستفزة لماما جدًا وزادت غضبها فصرخت
فيه:

- أنت مش عاوز تتجوز، ملکش دعوة بيا تاني.
قالها: طول ما أنتي على ذمتي ليَا دعوة بمنظرك ده.
وعلى كُلّ فعلًا أنا خلاص مش هيكون ليَا دعوة بيكي، بكرة
الطلاق هيتم.
صرخت فيه: مش هتلحق بكرة أنا بردہ هاخد مكافأةي.
بابا خرج متترفز جدًا وساب البيت وماما خرجمت بعده وغالبًا
راحت لـ (حكمت).

بعدها بعشر دقائق سمعت صوت زي ذبذبات منتظمة وحادة جداً جاية من أوضتها، دخلت لقيت موبايلها على الكومودينو هو اللي بيعمل الذبذبات دي ...

مش صوت الاهتزاز بتاع التليفون، لا.. ولا رناته المعتادة، ده صوت عميق جداً يخليك عاوز تقف تسمعه

مش عارفة أوصف لك، بس هو صوت منتظم أشبه بالموجات، تحس إنه صوت مجسم بيحاوطك من كل الاتجاهات، صوت خلاني وقفت متخشبة وكأنه بيخاطب عقلي، اتحركت ناحية التليفون في هدوء، لقيت شاشة التليفون لونها أسود، ومكتوب فيها جملة واحدة عمالة تنور مع الذبذبات:

”مكافأتك قيد التنفيذ.“

إيه الجملة دي وده اتصال ولا إيه؟

مع تكرار ظهور الجملة، أنا سحبت الشاشة شمال كأنها مكالمة، فللاقىت قدامي رموز كثيرة عبارة عن أرقام وحروف لاتيني وأشكال هندسية، عمالة تحرك بسرعة جداً ويتجمع جنب بعضها لحد ما كونت شكل نجمة خماسية واترسم وسطها عين، عين مخيفة مريبة.. نفس عين الكائن اللي شوفته قبل كده!

بعدها جت صورة لمكان في الضلمة دي، مش صورة ده فيديو
وكأن حد شايل كاميرا وماشي بيتجول بها وبيصور، المكان عبارة
عن حاجة أشبه بحمام التلات والأماكن دي الفيديو وإللي يصور
نزل على سلالم قديمة ووصل لأوضة دخلها وجه عند حيطه معينة
وقرب وعمل زووم عليها، كانت حيطه من الحجر، ومع الزوم ظهر
شكل العين، نفس العين من تاني !

واتفتح باب خفي وشوافت حاجة أشبه بجلاسة محكمة، الصورة
كانت مشوشة، ملحقتش أتبين حد فيها غير ماما، بعدها الصورة
وقفت ورجعت تاني الأرقام والأشكال ظهرت واتكتب تاريخ
يوم.. إللي هو تحديداً تاريخ تاني يوم، ورجع الفيديو من جديد،
بس المرة دي كان بيتجول جوا مكان أنا عارفاه كوييس، ده مكان
شغل بابا، المكتب بتاعه، باب المكتب اتفتح ولاقيت بابا قاعد
على مكتبه وبيشتغل ..

فجأة ساب اللي بيعمله وحط القلم بمنتهى الهدوء على
المكتب قدامه ورفع وشه كأنه بيصل لي، عينيه أبيضت تماماً!
ورجع بالكرسي لورا وقام وقف واتحرك بهدوء شديد ناحية شباك
المكتب وفتحه ووقف كأنه بي Flem هو وبدون سابق إنذار نط !!

العين الثالثة

نط من الدور الـ (13) أنا صرخت من الصدمة، نط والكاميرا
وراه كأنها نطت هي كمان وفضلت تقرب تقرب تقرب من الأرض
لحد ما وصلت لجثة أبويا إللي كان سايد في دمه وعمال يترعش
ورووحه خلاص بتخرج ..

- أنا صرخت تاني من المشهد!

بعدها اتكتب جملة على الشاشة وكأنها نهاية فيلم رعب:

”مكافأة المحفل غداً!“

الموبايل بعدها رجع لوضعه الطبيعي وظهرت شبكة المحمول
عادي جدًا وكذا ميسدكول جاين لتليفون ماما من رقم (حكمت)
في اللحظة دي جرس الباب خبط بهستيريا، حطيت الموبايل
بسرعة على الكومودينو مكانه وخرجت أشوف مين اللي بيخطب
زي المجانين، لقيت ماما داخلة ووشها مخطوف وبتقول: استر يا
رب، استر يا رب.

دخلت تجري على الأوضة وخرجت والموبايل في إيديها
ووشها فرحان جدًا، وأنا واقفة مش مديه أي انطباعات! فقالت لي
وهي بتجمع بالعاافية:

أصل أصل كنت نسيت المحمول بتاعي .. ده الواحد
مبقاش يقدر يستغنى .. عن الزفت ده خالص.

ابتسمت لها ابتسامة باهتة وقلت لها:

- زفت بردہ يا ماما؟

ضحكت وقالت: خلاص بقا قلبك أبيض، بعد بكرة ليكي مني
موبايل جديد من الغالي إللي بشيء وشويات ده.

قلت لها: اشمعنا بعد بكرة؟!

قالت لي: انتي هتفاصليني؟ بكرة ورايا حاجة مهمة جدًا، بعدها
هنفضي أنا وانتي لبعض، سلام بقا عشان متآخرش على طنطك
(حكمة)!

خرجت ماما وأنا مش في دماغي غير حاجة واحدة بس:

بابا هيوموت بكرة

والسبب ماما

عملت إيه؟!

سخرت عفريت!

لبسها جن!

(حكمة) سحرت لها!

(جبران) عمل لها عمل!

إيليس نفسه بيساعدها!

مليش في كل ده ...

إلي لي يا فيه ان ماما دبرت مصيبة لبابا وفيها موته بكرة، وأنا لازم
أتحرك فوراً!

- طب هعمل إيه؟

هتصرف إزاي؟

همنعواها إزاي؟

مش عارفة! مش عارفة!

بس لازم أمنع ده أنه يحصل.

بابا رجع من الشغل وفضلت مش عارفة أتكلم في إيه! كل إلي
قدرت أعمله إني بالليل عملت نفسى تعبانه جدًا وما ماما ادتنى دوا،
وبابا كل شويه كان يدخل يطمن عليا، آخر مرة دخل عندي وما
خرجت، قلت له:

- بابا عاوزاك ماتروحش الشغل بكرة، عاوزه حضرتك تفضل
جنبى.

قالى: معلش بكرة عندي اجتماع مهم هخلصه وهاجي بدرى.

وسابقی و خرج.

لقيت ماما واقفة عند الباب بتبعض لي بصة كلها ريبة وقلق مني
ونمت..

نمت وصحيت تاني يوم على دوشة برا، طلعت لقيت ماما
لبسة وشكلها خارجة، قلت لها: صباح الخير يا ماما، رايحة فين
حكمت يبردو؟

ابتسمت بارتباک وقالت لي:

- لا أنا رايحة المستشفى، أصلهم كلموني من عند بابا في
الشغل

بعد كده كل كلام ماما كان جاي من بعيد وكأن وداني بترفض
تستقبله! ووقدت من طولي، شوفت كوابيس كلها عن موت بابا
وفوقت منها بصعوبة وعرفت كل حاجة..

بابا انتحر !!

نط من شياك المكتب بتاعه من الدور ال 13 !!

والعيلة استلمت الجثة من المستشفى وبابا اتدفن خلاصي.

كل ده تم خلال (48) ساعة، كنت فاقدة فيهم الوعي تماماً،
معرضش ازاي !

كل اللي اقدر اقولهولك، ان من بعد موت بابا أنا مقاطعة ماما
وهي غالباً مش فارق معاهما، ما واجهتهاش باللي أعرفه ولا حتى
قادرة اعمل ده، هقولها إيه !!

علطول يا إما قافلة على نفسها، يا إما عند (حكمت) وما ماما ما
فرحتش ولا حاجة زي ما كنت متوقعة، ماما من سيع لأسوء !

نادر: طيب الوضع إيه دلوقتي ؟

ردت: ولا أي حاجة! بس

نادر: سكتي ليه؟

قالت: في مرة دخلت أوصلة ماما وهي كانت بتاخذ شاور
وفتحت موبايلها.. فضلت أدور فيه وبسهولة لقيت تطبيق شكله
غريب جدًا أو يكاد يكون هو الوحيد الموجود، ونظرًا لأن ماما لا
بتعرف تخبي ولا تخفي حاجة شوفته، ضغطت عليه وحاولت أدور
له على أي سكة أفهم منها ده إيه، كان اسمه **db** طلعت موبايلي
وفتحت **APP Store** ودخلت الحرفين طلع لي حاجات غريبة..
حاجات ملهاش أي علاقة بالتطبيق الأصلي، ورجعت تاني
لموبايل ماما وفتحت التطبيق، أول ما فتح لقيت الشاشة اسودت،
وبعدها شوفت صورتي كأنه بيصورني، وكتب تحتها "مرحباً بك"

معنا أيها المستخدم الجديد، هل تريد الاستمرار عبر هذا الهاتف
أم من هاتف جديد؟“

اخترت مستخدم جديد، طلب ادخل الرقم باتاعي، دخلت
رقمي.. مجرد ما دخلت رقمي لقيت تليفوني بيرن بنفس الرنة
والذبذبات الغريبة وصوتها كان عالي والتطبيق اتقول عند ماما..
بصراحة أنا خفت أرد..

وسبت التليفون وخرجت بسرعة من أوضة ماما...
فضلت أضغط على أي زرار عشان يكنسيل مفيش فايدة!
لقيت مكتوب ”لقد تم ترشيحك لتكون مغامراً جديداً في عالم
الظلام العميق“

وأنا عماله أحاول أكنسيل بدون فايدة
ولا حتى بيعمل سايلنت....

فجأة التليفون سكت وكتب على الشاشة:

لقد انتهت المحاولة الأولى

يبقى لك أيها المغامر محاولة أخرى، ستنصل بك خلال (15
دقيقة) من الآن.

وشاشة التليفون اتحولت لستوب واتش وبدأ يعد تنازلي من
(15 دقيقة)

في اللحظة دي باب الأوضة افتح ولاقيت ماما داخلة ووشها
مخطف و بتقولي : الصوت ده كان جاي منين ، انطقي ؟

قلت لها: صوت إيه يا ماما؟

مفيش أي صوت !

ماما: صوت رنة التليفون ... انطقي بقولك .

- يا ماما مفيش حاجة رنت أصلًا .

ماما: حرام عليك ما تكديش عليا .

زهرة اللوتس: يا ماما مفيش تليفون رن .

ماما كأنها ردت فيها الروح ..

وقالت لي بتوتر: طيب أنا تقريباً بيتهيألي حاجات .

خرجت ماما وسابتي وخلصت الربع ساعة وبدأ التليفون يرن ،
رميته جوا الدولاب وحطيت عليه المخدة وقفلت عليه الدولاب ،
لحد ما خلص رن ، طلعته بعدها من الدولاب ، لقيته مكتوب عليه
”لقد استنفذت جميع المحاولات .. تحلى بالشجاعة ، نتظر
عودتك أيها المغامر.“

نادر: طيب أنا بردہ عاوز افهم إيه المطلوب.

قاطعني وقالت: أنا عاوزاك تدخل أنت على التطبيق وتفهم
الحكاية وتقولي؛ هل أمي قتلت أبويا فعلاً؟ وبالمرة تكون انت
كمان حصلت على تحقيق صحفي ليك... .

نادر: وانتي هتسفيدي إيه؟

ردت: زي ما قلت لك عاوزة الحقيقة عاوزه أفهم...
أنا جبانة ومش قادرة أخوض التجربة دي.

نادر: والمطلوب طبعاً أنك تاخدي رقمي عشان تدخلية
ردت: أيوه.

نادر: للأسف هجبطك لأن تليفوني بايظ.

قالت لي: بسيطة، بكرة هبعث لك تليفوني الثاني مش بستعمله
على عنوان الجورنال... بس إديني رقمك يا (نادر).

نادر: مش وآخدة بالك إنك مزوداها شوية.. أنا معنديش مشكلة
على العموم اعمل ده بس بعد ما نفهم الحكاية هبعثلك التليفون
تاني.

ردت: تمام... موافقة موافقة رقم كام؟
- أخذت رقمي... وقفلت الحوار معاهـا.

العين الثالثة

مع (زهرة اللوتس السوداء)!

وكان آخر كلام قالته لي: أنا إللي إتأكدت منه إن (جبران العربي)
ده هو إللي عرف (حكمت) وما ما بعدها على التطبيق ده ودخلهم
فيه، لسبب غير مفهوم وبمقابل غير معلوم.

- سلام.

- سلام.

الفصل الخامس

الباحث عن المعرفة

تاني يوم الصبح أول ما دخلت الجورنال استلمت من الأمان
الجوابات المعتادة، ومعاهم طرد جاي لي من (أرامكس) عبارة
عن بوكس كرتون مكتوب عليه من برا "يسلم ليد الأستاذ (نادر
فوده)"

الراسل:

فتحت البوكس الكرتون لقيت موبايل وجواب ..

الموبايل كانت حالته كويسة جداً والله أهوا ينفع اليومين دول
لحد ما (هاني) يجيب لي التليفون اللي وعدني به

فتحت الجواب ..

إلى الإنسان الطيب

إلى من لا أحد لي سواه الآن

إلى ملاذِي الأخير

أرجوك لا تتركني تائهة في ظلمات أفكارِي

أرجوك ساعدني وأخبرني

هل ما حدث حقيقي وأنا موقة

أم هو زيف من الشياطين وأنا واهمة؟!

زهرة اللوتس السوداء

طلعت الخط بتاعي من المحفظة وحطته في التليفون، وبمجرد

ما حطته حرفيًّا لقيت رقم بيتصل ...

ترددت شويه وبعدها رديت:

نادر: ألو.

----: أيوه أنا (زهرة اللوتس السوداء).

نادر: هو أنا مش هعرف اسمك الحقيقي؟

هي: ممكن بلاش!

نادر: براحتك تمام.

هي: هو حضرتك كده موافق خلاص؟

نادر: أيوه.

هي: بجد؟ بجد؟ ربنا يخليلك.

هي: ممکن تكون فاضي امتى عشان أخليه يطلبك.

نادر: هو مين ده اللي يطلبني؟

هي: صمت!!

نادر: بقولك مين اللي يطلبني؟

زهرة اللوتس: ما أنا لو أعرف هو مين كنت قلت ويمكن كنت ما طلبتش منك انك تعمل أي حاجة أصلًا!

نادر: طيب بصي أنا بكون في البيت على الساعة (٧ مساءً) ممکن تكلمي الأول نأكد على بعض قبلها؟

زهرة اللوتس: حاضر بس يا رب ماما تخرج تروح أي مكان.. بس على العموم هي أول ما تنشغل عن الموبايل هفتحه وهدخل رقمك علطول.

نادر: تمام بس بعد (٧ مساءً) يا (زهرة اللوتس السوداء).

زهرة اللوتس: قولي يا (زهرة) أسهل.

نادر: تمام يا (زهرة) ربنا يعمل اللي فيه الخير.

ووقفت معاها....

طلعت ورقة وقلم

وكتبت عنوان رئيسي (زهرة اللوتين السوداء)... وكتبت كل
اللي حصل والوقت سرقني وسرحت.... يا ترى إيه ممكن تكون
معامرتني الجديدة؟

وسرحت تاني في ناس بفتكرهم دايماً مع كل مجهول بدخله..

أمي وأختي (أمنية)

عاوز أسافر أطمئن عليهم

وعاوز أزور الشيخ (لطفي) واتكلم معاه كتير..

وعاوز أقعد مع عم (مخтар) واسمع منه..

وخلاتي (صفية ومرودة)... واعرف الدنيا وصلت بينها وبين
(كساب) لإيه..

فوقت على التليفون بيرن رنة غريبة ملهاش وصف غير فعلًا انها
بتدخل علطول جواً أعمق جوارحي...

الشاشة كانت سوداء ومكتوب عليها جملة لامعة:

تم ترشيحك كي تكون مغامراً جديداً في عالم الظل العميق.

ترددت شويه

مكنش فيه علامة قبول المكالمة ويفيش حتى رفض، سحبت الشاشة لليمين لأنها مكالمة، سحبت الشاشة شمال كانت سوداء تماماً، وبدأت حروف ورموز كتير تنزل من أعلى الشاشة لأسفلها لأنها مطر، وبعدها ظهرت صورتي، صورة معرفش اتصورتها امتي وفيين

ولقيت اتكتب:

مرحبا بك في محفلنا العظيم.

بيانات المغامر:

نادر فوده....

صحفي ..

عدد الأعداء: واحد..

الاسم: كساب.

المهمة: قتل هذا العدو.

إذا كانت المهمة صحيحة، اضغط رقم (1) ..

العنوان الثالث

وإذا كان لديك مهمة أخرى، اضغط رقم (2).

بدون تفكير ضغطت رقم (2) ما أنا مش داخل البتاع ده عشان

اصور قتيل!

الشاشة رجعت اسودت تاني وفضلت دقيقة كده، واتكتب:

عليك الآن كتابة هدفك من الدخول لعالم الظلام العميق.

وظهر مربع فاضي وظهرت حروف شاشة الموبايل،

كتبت:

أريد أن أعرف عنكم كل شيء

من أنتم؟

ماذا تفعلون؟

من تتبعون؟

لماذا تقتلون؟

وضغطت (إرسال)

الشاشة اسودت تاني وبدأ يكتب..

”إذاً أنت تبحث عن المعرفة، لك هذا.. نحن نقدر جدًا من يحبون أن يعرفونا قبل أن يصبحوا أبناءنا..
للك ما طلبت.“

الشاشة اتغيرت وبقت عبارة عن عين ظهرت في نص الشاشة، وبعدها اختفت واتحولت شاشة الموبايل لشاشة مراقبة شوفت فيها واحد قاعد على مكتب متصور من فوق ومن ظهره واللي بيصور بيقرب منه بالكاميرا..

الشخص ده كان أنا!!

قمت وقفـت وبصـيت ورـأيـا بـسـرـعـةـ..

مالقتش أي حد بصـيت على الموباـيل تـاني لـقيـتنـي لـسه قـاعـدـ زـيـ
ما أنا..

والصـورـةـ بـقـتـ قـرـيـةـ منـيـ جـدـاـ..

وـقـربـتـ أـكـترـ لـحدـ لـمـاـ وـصـلتـ عـنـدـ كـتـفـيـ لـقـيـتـ إـيـدـ سـوـدـاـ زـيـ
الفـحـمـ وـأـصـابـعـهاـ رـفـيعـةـ وـنـحـيفـةـ جـدـاـ بـتـتـحـركـ نـاحـيـةـ كـتـفـيـ..

بدون وعي لـقـتـنيـ بـقـولـ: حـاسـبـ.

الصورة بعدهت بسرعة عن انعكاسي وأنا قاعد على المكتب، ولما بعدهت شوفت المنظر بوضوح أكثر.. كائن ضهره محنبي، جلده شبيه بالصدف.. مليان نتوءات وبروزات خارجة من كل ضهره وله ديل طويل بيلف زي التعبان، جسمه لونه مزيج ما بين الأحمر الناري والأسود المتفحم، له عين واحدة حمراء نارية.

كان انعكاسي قاعد ساكت زي المنوم مغناطيسياً، وجه الكائن ده ومسكني في الصورة بإيديه من كتفي وأنا بردو انعكاسي ساكت تماماً....

ورفع ديله ولفه حوالين الجزء العلوي من جسمي وعصر جسمي، وهنا بدأ انعكاسي يرتجف رجفات ضعيفة... وظهر للكائن جناحين كبار ضمهم على انعكاسي.

لحد ما انعكاسي غالباً فقد الوعي أو مات ورأسه رجعت لورا وبص على السقف وكانت عينه بيضا تماماً وفاتح بوقه على الآخر...

في سرعة الكائن فك جناحيه وديله الملفوف حوالين انعكاسي ودخل ديله بالكامل في بوقي أو بوق صوري في الموبايل، وتوغل الديل في أحشائي...

وشوفت حاجة زي نبضات مضيئة بتحرك من جسم الكائن..
وتنزل لديله وبتدخل كلها لجسمي من خلال بوقي وببدأ انعكاسي
يتنفس ويترعش في عنف....

كل ده كان بيحصل في سرعة رهيبة، الكائن البشع ده، الرعشة
بدأت تتنقل له وسحب ديله من جسمي بسرعة وطار فوق واختفى
في ثانية...

أما انعكاسي، رأسه نزلت على المكتب قدامه...

والشاشة ضلمنت...

واتكتب باللون الأحمر بيضاء:
الآن تطرق أول أبواب المعرفة
جسدك وحواسك مؤهلة للمحفل الأول.

صوت من بعيد

نادر

نادر

نادر

- بصيت وقولت: إيه في إيه؟

- مالك في إيه؟

كان زميل ليا في الشغل.

نادر: مالي إزاي.

وأنا بتكلم حسيت بطعم غريب جداً في بوقتي ..

زميلي: (نادر) انت بوقك بينزف دم!

لا إرادياً حطيت إيدي على بوقي وبصيت عليها لقيت دم كتير
فعلاً ..

جريت على الحمام غسلت بوقي ورجعت تاني للمكتب ..

لقيت ورقة بخطي مكتوب عليها:

الآن حواسي مؤهله للمحفل الأول!!!!!!

بصيت على الموبايل لاقيته مفيش فيه أي أثر وشغال عادي لكن
فيه تطبيق موجود متحمل عليه اسمه db.

الفصل السادس

المحل الأول

أخذت بعضي وروحـت البيت ، فتحـت الشـات وبـعـت لـ
(زـهرـة) كانت مش موجودـة أون لاـين ...

قومت وغيرت هدومني ووقفت على حوض المطبخ أغسل الأطباق والكوبيات كعادة أى واحد عازب عايش لوحده..

وبدون مقدمات سمعت دوشة جايه من الصالة وكان ناس كتير
!ا

خرجت بالراحة وانا مش عارف انا ممكن الاقي ايه!

فإذا بي أتفاجئ أن الصالة بتاعتي اتغيرت واتحولت لمكان أشبه
بقاعة المحكمة!

خليني اوصف لكم المشهد علشان تتخيلوه:

العين الثالثة

ثلاث كراسى قاعد عليهم تلات رجاله كبار نوعاً ما في السن،
وورا كل واحد منهم كائن أعود بالله أبشع ما يكون كأنهم حراس
لكل واحد فيهم ..

أما عن الحضور فمفيس !!

مفيس غير كرسي واحد للحضور ..

الثلاثة بيصوا لي بترقب وشاور لي واحد منهم أني أقعد على
الكرسي، قعدت واتكلم واحد منهم:

– لقد طلبت المعرفة

وأنت الآن مؤهل لها

المحفل الأول يعقد لك الآن

العين هي الثاقبة

العين هي الصائبة

العين هي الحاكمة

بها ترى

بها تسيطر

بها تنفذ

بها تستقيم

نادر: أنا مش فاهم حاجة!!

ممکن تشرحوا لي؟

تجاهل كلامي تماماً.

تجاهل كلامي وكمل:

إننا متواجدون منذ القدم

نقدم خدماتنا الجليلة ومكافأتنا مقابل الولاء لنا

نمنح أبناءنا كل ما يريدون

طالما هم مستمرون معنا

ينفذوا فيكافأوا

والليوم وفي المحفل الأول تطبع عليك العين!

فترى وترى وترى

تحصل على ما تريده

ونحصل على ما نريده

إن المحفل الأول يبرم فيه العقد بيننا.

نادر: أنا مش فاهم حاجة!!

نفس الرجل: اليوم نعلن الشراكة المطلقة بيننا وبعد ذلك ومع كل محفل تخلص من قيود البشر والعبودية الزائفة!

وتستمر في خوض محفل بعد الآخر إلى أن تصبح حرّاً طليقاً

تريد الشيء، فتقول له كن فيكون!!

هل توافق؟

نادر: ترددت ومش عارف أقول إيه، ما أنا كل ما اسأل وأقول مش فاهم ما يعبرنيش وبعدها قلت: موافق.

الرجل: الآن تبدأ المراسم!

لاقيت تلات شباب لابسين بدل سودا شيك جداً داخلين المحكمة دي من العدم وواحد منهم شايل صندوق ذهب وجم قدامي وفتح الصندوق لقيته متبطن بقماش قطيفة أحمر فخم وجواه حاجة زي ميدالية على شكل عين، ووقف واحد منهم على يميني والثاني على شمالي والثالث طلع الميدالية دي ومسكها بإيديه ورفعها قدام وشي وابتسم بهدوء مریب وقالي: ممكن يا (نادر)؟

نادر: ممکن إيه؟

- تغمي عينيك!

غمضت في استسلام...

لقيته بيرفع خصلات شعري إللي نازل على جبيني وبيرجعها
لورا، في نفس اللحظة واحد مسک دراعي اليمين برفق والثاني
مسک دراعي الشمال!

فلا إرادياً قلت لهم:

- انتم بتتمسكوني ليه هو أنا هطفش؟!

الفصل السابع

العين الثالثة

بعد ما قلت الجملة دي ..

حسيت بالميدالية بتتحط على جبيني بالراحة، كل ده والموضوع عادي، بس بدأت أحس أنها بتتسخن، اتحملت.. بدأت تسخن أكثر وأكثر وأكثر..

فضلت تسخن أكثر وأكثر وأكثر لحد ما بقت قطعة من الجحيم وإللي كانوا ماسكني برفق بقوا أقوى أقوياء الأرض، مكتفني بقوة رهيبة، مش عارف اتحرّك منهم نهائى !

تعالت صرختي ولكن هيئات !! مفيش أمل !

- أقسم بالله أنسب وصف للي حصل، أنا حسيت بالضبط كأن حقنة زيت مغلي اتضربت جوانفوني !

مع الوقت كل قواي انهارت، وسمعت صوت مختلف بيتكلّم، شوفت نفس الكائن الأعور اللي شوفته في الموبايل، كانت الصورة

العين الثالثة

مذبذبة لكنني شوفته، الألم على عينيا كان رهيب، فجيئت اغمضهم
لقطني أصلاً مغمض !!

أومال شوفته ازاي ! مش فاهم !

واحد من التلات شباب قرب من جبتي وضغط عليها فرجعت
الصورة ضللت كلها مع صوت الكائن ده وهو بيtalk :

بسم أعضاء المحفل العظيم

نمنحك الآن ختم العين الثالثة

بسم أعضاء المحفل العظيم

منحناك العين بصورة مبدائية

إما أن تكمل وتجاوز كل المحافل

ومنها تتحرر من عبوديتك

وإما أن تخل بأحد المحافل والعقود !

فتفقد كل شيء !

وتعاقب !

ثلاثتنا وافقوا على منحك المعرفة !

ثلاثتنا وافقوا على انضمamuك !

فلا تخذلنا !!

ولا تخذل العين !!

هنيئاً لك إذا رافقتك العين للأبد ...

وأصبحت من الخالدين

هنيئاً لك إذا رافقتك العين للأبد ...

وأصبحت من الخالدين .

فضل يكرر الجملة وصوته يبعد ويبعـد ويـبعـد ..

وحسـيت إنـ الـأـلمـ بيـقلـ وـ حـسـيـتـ إـنـ إـلـليـ مـكـتـفـنـيـ سـابـونـيـ ..

فتـحـتـ عـيـنـيـاـ بـصـعـوبـةـ شـدـيـدةـ وـ سـمـعـتـ نـفـسـ الصـوتـ لـكـنـيـ مشـ

شايفـ الكـائـنـ ..

جيـتـ اـتـكـلـمـ صـوـتـيـ مـخـرـجـشـ !

كمـلـ كـلامـهـ وـقـالـ :

- اـحـناـ عـارـفـينـ أـنـكـ مشـتـتـ وـمشـ فـاهـمـ !

مبـدـأـيـاـ بـنـشـكـرـكـ إـنـكـ وـافـقـتـ عـلـىـ المـحـفـلـ وـانتـ مشـ عـارـفـ ،
وـديـ ثـقـةـ فـيـنـاـ نـعـتـزـ جـدـاـ بـهـاـ وـمـكـافـأـتـهـاـ هـتـلـاقـيـهـاـ فـورـاـ .

لاـزمـ تـعـرـفـ إـنـ كـلـ عـمـلـ بـتـأـديـهـ لـلـعـيـنـ ،ـ المـكـافـأـةـ عـلـيـهـ بـتـكـوـنـ فـورـيـةـ
وـعـظـيـمـةـ ،ـ وـاسـمـعـ لـنـاـ إـلـليـ نـخـتـارـ لـكـ المـكـافـأـةـ الـمـرـةـ دـيـ .

أـمـاـ عـنـ الـبـاقـيـ

احنا مين:

احنا تقدر تسمينا كيان قديم أقدم من البشر نفسها، احنا تواجدنا مع الجن في نفس وقته وكنا مستقلين عنهم وهم كمان..

إحنا إللي هربنا بعد الملائكة ما نزلت الأرض بتتكليف سماوي،
نزلت موتت معظم عشائر الجن على الأرض قبل خلقكم !
حاربوهم وموتوهم تمهيداً لخلقكم عشان انتوا اللي تحتلوا
الأرض !

أثناء خلق ربكم لا بوكم (آدم) كنا خلاص فقدنا الأمل وبدا
كتير منا يتتحررو إلى أن عصى إبليس ربه وتمرد، فكانت فرحتنا لا
توصف خصوصاً بعد ما سمعنا أخبار عن طرد إبليس من الجنة !
بدأت نراقبه في صمت وخصوصاً انه كان بيدور على الجن
المستخبي والهربان، ولأن إحنا مكناش زي الجن الضعيف وإللي
ما هيصدق أنه يكون تابع لإبليس ..

فكان القرار !!

أرسلنا مندوب منا لإبليس وطلب منه إننا نتقابل
فوافق !

الحقيقة في الأول استخف بینا و كان فاکر أنسا هتبعه زی
الباقيین، لكن بقوة العین اكتشف أنسا فئة أخرى لازم يعمل لها ألف
حساب وإلا هي خسر كتير.

وهنا كان الاتفاق:

يترك لنا من يسعى للانضمام لنا ولا يقترب منه هو أو أعوانه ..
وفي المقابل يصبح زعيماً شرفياً لنا:
يحضر المحافل والمناسبات الكبرى ...
لكن ما ينساش أبداً الكلمة دي (شرفياً) ..
(شرفياً) بمعنى أنه لا سلطة له علينا ..

وكان وما زال مريض بالنرجسية، فكان ده شيء يسعده جداً
وأصبح هو الرئيس الشرفي للمجالس والمحافل بالكامل ...
أعتقد إن كده أنت فهمت جزء كبير.

نادر: أيوه، لكن أنت استفادتكم إيه؟

الكائن: البقاء والقوة والسلطة والسيطرة على كل البشر التابعين
إلى أن يأتي الوقت أن نحتل الأرض وما عليها ونهدم الناموس
الكوني المزعوم ونهلك من في الأرض ومن في السماء!

العين الثالثة

نادر: إزا يعنى؟ إيه العك ده! ربنا لو عاوز ينهيكم هينهيكم في
ثانية! إذا كتم اخفيتوا وقت ما الملايكة نزلت، كلامك بیناقض
نفسه.

الكائن: أوضاعنا تغيرت كثير.

نادر: ولو ده كلام غير منطقي.

الكائن: يعجبني نقاشك، ع العموم هي نقطة خلافية ولسه
قدامك محافل كتير لحد ما ينفع أناقشك فيها!

نادر: طيب أنا إيه استفادتي وإيه المطلوب مني؟

الكائنات: استفادتك الأولى؛ طلب المعرفة اللي انت طلبتها
وبدأت تحصل عليها، معلومات عن عالم عمرك ما كنت هتسمع
عنه غير في الأساطير!

أما عن مكافأتك، فانت إللي هتحدددها!

انت إللي هتطلب وانت إللي هيجب كل مطالبك.

نادر: والمقابل؟

الكائن: المقابل الولاء للعين ولطلباتها.

نادر: وطلباتها دي زي إيه؟

الكائنات: هتعرفها في وقتها وانت بالفعل نفذت أول طلب
ودخلت المحفل دون نقاش أو جدال منك.

الكائن: العين مهتمة بيوك جداً جداً يا (نادر).

نادر: وليه أنا بالذات؟!

الكائنات: لأن انت طلبت المعرفة، أي حد بيوصل له التطبيق
الأيام دي، أو زمان لما كان مفيش حاجة اسمها (إنترنت) لما حد
كان بيوصل له المرسوم بتاعنا ويقرأه كانت العين بتدرس موقفه
جداً، وخليني اقولك نتایج البشر لم تتغير كثيراً:

(٩٠٪) من البشر بيطلبو تنفيذ أمنيات منهم:

(٦٠٪) أمنيات دموية ما بين انتقام وقتل وسفك دماء.. (٣٠٪)
طلبات دنيوية تافهة ما بين إنجاب، زواج، شفاء..
يتبقى من الـ (١٠٠٪) نسبة (١٠٪)

دول بيطلبو المعرفة

وانت منهم!

مع أن الـ (٩٠٪) لو طلبو المعرفة كانوا في الآخر هيحصلوا
على كل إللي عاوزينه في النهاية!
لكن النفس حقيرة بس أنت مش منهم!

العين الثالثة

نادر: دلوقتي إيه المطلوب مني؟

الكائن: ولا حاجة، استمتع بالمكافأة وانتظر انعقاد المحفل
القادم وطلب العين القادم!

ولاقت التلات شباب بيحطوا الميدالية في الصندوق وبيففلووه
وغادروا القاعة في هدوء، وفتحوا باب الشقة وخرجوا!

أما عن الثلاثة اللي كانوا قاعدين ووراهم الحراس المخيف،
افتتحت الحيطه من وراهم واتحركت الكراسي بيهم للخلف
ودخلوا جوا الحيطه واتقفلت وراهم وكل حاجة اختفت، ورجعت
صاله بيتي لوضعها الطبيعي ..

قعدت على كرسي في الصالة أحاول أستوعب اللي حصل
وكان الألم في رأسي مكان غرس الميدالية سخيف، دخلت
الحمام وفتحت حنفية الحوض على دماغي، رفعت وشي وبصيت
في مراية الحوض لاقت مصيبة!!

لقيت بقا عندي ثلاث عيون!!

العين اليمنى والعين اليسرى، وعين تالتة في جبهتي !!

ماكتتش عين مطبوعة ولا مرسومة أو وشم.....

لأكانت عين حقيقة مجسمة وحية، ملهاش جفن... عين
مفتوحة علطول، مخيفة بتتص لي في المرأة، نظرة رهيبة لا وصف
لها!

يا نهار اسود، هي عين بجد طلعت لي !!!
حطيت صباعي بالراحة عليها، حسيت بها كأنها عضو من
أعضاء جسمي ..

فضلت ازعق واقول:

- ودي أخبيها إزاي؟

احنا ماتفقناش على كده !!

انتوا كده بتحكموا علينا بالحبسة والسجن الأبدى ...

احنا ما اتفقناش على كده !!

ما حدش منكم قال ان البتاعة دي واللي مش عارف لها لازمة

انها ه تكون عين حقيقة وحية في رأسى !!

أواجه الناس إزاي؟

يا نهاركم أسود !!

دي كانت شوره سودا !!

دي كانت ليلة مهيبة ومنيلة بـ ٦٠ نيلة !!

العنوان الثالث

منك لله يا (زهرة) الزفت!

منك لله يا بعيدة!!

خرجت من الحمام ألف في البيت، أزعق في كل أوضة شويه
بقيت كل شويه أروح أبص على وشي في المرأة
وأندب وأولول زي (محمود عبد العزيز) في فيلم (جري
الوحش) حرفياً:

- يا حوستي السودا يا أنا ياما

يا حوستي السودا يا أنا ياما

يا حوستك السوده يا (نادر)

يا مصيتك في وشك يا (نادر)!!!

جريت فتحت الدولاب وقلبت هدوبي كلها ووقعتها في
الأرض، بدور على كاب كنت شاريه الصيف إللي قبل إللي فات!

راح فين

راح فين

راح فين الزفت؟!

أهوه!! أهوه!!

أخذته ووقفت قدام المراية ولبسه، وفضلت أنزله قدام على
جبهتي عشان أداري المصيبة إللي طلعت لي !

الحمد لله خباهَا تمامًا !!

أنا ليَا معاهِمْ كلام تاني في موضوع ظهور العين دي يا ولاد

الـ

قلعت الكاب وحطته على الكومودينو، وحطيت رأسى على
المخدة وغمضت عشان أنام، بس إيه ده؟! هغمضها ازاي دي
كمان؟!

ده أنا أصلًا مش شايف بها حاجة!

يا جدعان انتم!! يا بتوع المحفل!!!

انتم ادتوني عين مضروبة تقريباً!!

هو أنا ليه مش شايف بها؟!!

هي العين دي عامية؟ مابتشفوش!!!

أنا أتخمد أحسن لي يمكن أصحى ألاقيها غارت!

كلي أملاني أصحى الاقيها فعلًا غارت!

أو كل ده يطلع وهم أو كابوس، دماغي مفيهاش غير الأمينة

دي.

قطع حبل أفكار ما قبل النوم، صوت باب أوضتي بيتفتح!

قامت قعدت، لاقت نور أصفر شديد جاي من برا الأوضة،
والأوضة نورت من شدته وانا غمضت عينيا من شدة النور وب مجرد
ما غمضت، شوفت بيها، أيوه اشتغلت، شوفت نفس شكل العين،
ملامحها أوضح لأن حجمها كان كبير جداً..

وتحول المشهد وشوفت كائن ضخم جداً، هو نفس اللي
شوفته في الفيديو وهو نفسه اللي شوفته في المحكمة بصورة غير
واضحة..

كائن بعين واحدة شبه (السايكلوب) إللي كنا بنشففهم زمان في
فيلم (جيسيون وألهة الحرب) العين نفسها بتتوسط جبهته..

رجعت فتحت عينيا لا إرادياً، شدة النور كانت هتررقهم
فقفلتهم بسرعة، وهنا فهمت إني لازم استخدم العين الثالثة فقط..
فضلت مغمضهم وبشوف من خلال عيني الثالثة..

اتحرك الكائن ده ناحيتي ومدى إيده ناحية وشي وحطها على العين
الثالثة، وخرج من إيده نور شديد مصحوب بحرارة رهيبة تحولت
فجأة لبرد وسقيع بشع... الرؤية بعد كده بالعين بقىت حادة جداً!

واتكلم، صوته كان أشبه بالنبضات اللي بتخترق كل جسمي
وقالي:

العين الثالثة الآن ستري من خلالها المحجوب ...

ستكشف من خلالها ما وراء الستار

ستخترق بها كل عوالم الظلام العميقه

تحلى بالقوة والشجاعة

وكن على قدر المسؤولية

إن العين أعجبت بك وأمنت بك

فلا تخذلها!

وفي المحفل القادم ستري أكثر وأكثر

إن اليوم هو أول مكافآت العين لك

عليك أن تنام الآن ونلتقي قريباً!

وبعدها الدنيا ضللت....

الفصل الثاني

سمعت صوت أنا عارفه كويس وبكره جدًا
صوت المنبه الشخصي بتاعي
المنبه القديم التقليدي اللي لسه متمسك به
سكته وقومت قعدت على السرير شويه، بعدها قومت نطيت
وجريت لأقرب مرأة وأنا كلّي أمل ألاقيها مش موجودة!
بس للأسف كانت موجودة
لكنها شكلها اتغير ...
الأول كانت شبه عينيا الاتنين بالضبط
لكن دلو قتي بقت شبه العين إللي كانت في صندوق الذهب
إللي طبعوها على جبيني
عين محاطة بأشعة وخطوط متباشرة حواليه ...

العين الثالثة

عين شكلها قريب جدًا من عين شوفتها وقريت عنها كتير ..

لكني مش هقول هي إيه دلوقتي عشان مش عاوز أسبق الأحداث، لأنني معنديش أي دليل عشان أشتتكم وأشتت نفسي!

فطرت وغيرت هدومي ..

ولبست الكاب ونزلته على جبهتي أد ما قدرت، وروحت الشغل وكنت باصص في الأرض عشان محدث يلاحظ المصيبة إللي أنا فيها!

فتحت باب المكتب ودخلت لاقيت شباب الجورنال كلهم واقفين وزعوا وصرخوا مع بعض في وقت واحد:
- مبروووووووك.

وقفت وانا مش فاهم حاجة وخايف أرفع وشي أتفضح، فردت بياخة:

- في إيه يا جماعة!! مالكم؟!

لقيت رئيس التحرير معاه ورقة وفردها وبدأ يقرأ منها:

قررنا نحن مجلس إدارة جريدة (عمق الحدث) تخصيص مكتب خاص ومنفصل للأستاذ والزميل (نادر فوده) وتعيين سكرتيرة خاصة به تساعدته في تنسيق كتاباته ومقالاته وتتلقي رسائل متابعيه،

وقررنا أيضًا زيادة راتبه لما قدمه للجريدة طول فترة عمله، حيث أن الجميع يشهد للزميل بالتفاني في العمل والإتقان والبحث دومًا عن كل جديد والسعى وراء ما يجذب القارئ حتى لو كلفه ذلك استقراره وراحته الشخصية، فوجدنا أن الزميل (نادر فوده) يجب أن يكون مثالاً يحتذى به الجميع في العمل بهذه المؤسسة المحترمة..

ولك منا جزيل الشكر والاحترام

مجلس إدارة الجريدة

رئيس التحرير خلص الجملة دي من هنا والدنيا اتقلبت هيصة وزينة بتفرقع في وشي وأنا زي ما أنا!

لا عارف أفرح ولا ابتسم

ولا عارف أرفع حتى رأسي لفوق عشانأشكرهم!

واحد من الموجودين قالى:

- مالك يا (نادر) أنت مُحبط كده ليه يا ابني؟!

رديت وأنا باصص في الأرض:

- لا أنا بس متفاجي والله مش أكتر!

العنوان الثالث

رد زميلي وقال:

- وبعدين إيه البتاعة إللي على رأسك دي؟!!!
حد يلبس كاب على قميص وبنطلون كلاسيك!!
مش هتبطل شغل الكفور بتاعكم ده!
وإذا به بدون أي مقدمات شال الكاب من فوق رأسي ورماه
بعيد!!!!

الصرخة إللي طلعت مني غالباً سمعت الجورنال كله...
ساد صمت مخيف!!
الكل سكت تماماً!!
وأنا رفعت راسي وبصيت على وشوشهم في هلع!
عمرى ما هنسى شكل وشوشهم وهم مبرقين ليا!!
لامح الفزع على وشوشهم كانت كفيلة تشرح كل حاجة!
انتم متخيلين؟!! فوق الـ (15) موظف كلهم شاييفين وحش
ثلاث عيون!!

شاييفين زميلهم إللي تحول في يوم وليلة لمسخ مرعب!
أنا حطيت إيدي على عيني الثالثة وكأنني بخبيها منهم وانفجرت
في البكاء والصرارخ:

- حرام عليكم.. أنا مليش ذنب.. أنا معرفش ده حصل إزاي!
وقدت على الأرض في مشهد درامي وفضلت باصص في
الأرض!

لقيت رجلين بتقرب مني، كان رئيس تحرير جورنال (عمق
الحدث) ...

ونزل جنبي وطبع على كتفي وقالي:

- مالك يا (نادر) في إيه؟

رفعت وشي وأنا لسه مخبي العين الثالثة باليدي وقلت له:

- في إيه..... في إيه إزاي... هو إيه اللي فيه إيه؟!

رئيس التحرير:

- بصرأحة انت رد فعلك غريب جدًا وغير متوقع، هو احنا
ضايقناك لما عملنا لك احتفال وتكريم؟!

نادر: احتفال إيه بس... انت مش شايفني ولا حاسس باللي انا
بقيت فيه!

رئيس التحرير:

- بقيت في إيه... انت بقيت أعلى من الكل في المنصب
والمرتب..

العين الثالثة

في إيه يا (نادر) بجد؟! أنا مش فاهمك !!

نزلت إيدي من على عيني الثالثة بحدر شديد وأنا بيص له
وبراقب رد فعله، لقيته ما أبداش أي رد فعل !!!

قلت له:

- هو أنت مش شايف أي حاجة غريبة في وشي؟

رئيس التحرير:

- حاجة زي إيه؟ أنا مش واخد بالي!

قمت ووقفت وزعقت في الكل:

- أو مال أنتوا بتبرقوالي كده ليه؟

ردت إحدى زميلاتي:

- أنا عن نفسي لما انت صرخت، أنا قطعت الخلف يا (نادر).

أنا هتجنن ازاي مش شايفينها، معقوله؟ هي العين اختفت؟!

جريت بصيت على انعکاس صورتي في إزار شباك المكتب...

لقيتها موجودة!

كده ده معناه إن محدش شايفها غيري !!

الله أكبر.... الله.... الله

وانفجرت في الضحك ...

وقلت لهم:

- شكرًا شكرًا... أص.. أص.. أصلًا
أنا فرحان جدًا بالتكريم ده فوق ما تخيلوا..
أنا آسف... أنا آسف جدًا أوي يعني!! الظاهر أن من كتر شغلي
مع العفاريت مخي لسع! كتر خيركم...
شكراً يا فندم..

شكراً ليكم.. بجد شكرًا جدًا أوي يعني!
الكل واقف ساكت ولسه مبرقين لي ومش فاهمين حاجة ويدأو
ينسحبوا من المكتب واحد ورا الثاني وسابوا على المكتب تورته
كبيرة..

كانوا ناويين يحتفلوا وناكلها سوا!!
كله مشي وإذا بي أجدني الوحيد في المكتب!
ولقيت آنسة واقفة بعد خروج الكل وشها أصفر ومرعوبة
وحرفيًا بتتنفس من الخوف وبتقولي بصوت بيترعش:
- أنا أنا (ساندرا) سكرتيرة حضرتك الجديد.

نادر:

- طيب يا (ساندرا) روحي دلوقتي ولما أعوزك هكلمك.

العين الثالثة

ساندرا:

- حضرتك اطلب بس رقم (3) هرد على حضرتك فوراً.. بعد إذن حضرتك مستر (نادر).

وخرجت (ساندرا) سكرتيرتي الجديدة..

وباط الاحتفال!!

كلام العين حصل، المكافأة حصلت فعلًا، لكن بغيائي بوظتها..
بس لأنّ... مش بغيائي!

هم مافهمونيش أن العين الثالثة محدش هيشفها غيري....
طلعت ورق وبدأت أكتب كل إللي حصل امبارح والنهارده
بالتفصيل وكلمت (ساندرا) قلت لها:

(ساندرا).. هديلك كام ورقة تكتبيهم على الكمبيوتر وخليةم
عندك، وكل يوم هنضيف عليهم حاجات جديدة!

باب المكتب اترزع وافتتح بعنف وإذا بضوء رهيب أجريني
اغمض عينيا، وكانت الصدمة، نفس الكائن ذو العين الواحدة
شوافته بعيوني الثالثة، ومد إيده ناحيتي، كل الورق إللي كتبته طار من
قدامي واتكلم بغضب:

- ليس مسموحاً أن تكتب عن المحفل وعن عينك الثالثة! هذا إنذار أخير وإلا فقدت كل ما منحناك.. لن نحدرك مرة أخرى!
الكتابة تعني الخسارة! وخسارتنا ستكون فادحة!

وأقفل الباب وخرج..

وهنا أدركت أن الكتابة تعني نهاية التجربة والمعرفة...
يعني مش هينفع اكتب ولا انشر، يعني المغامرة دي آخرها جوا
عقلاني !!

الفصل التاسع

المحفل الثاني

خلصت شغلي وروحت البيت، وعلى بليل موبايلي رن نفس
الرننة الغربية، فتحت وظهرت رسالة:

الزمان: بعد ساعتين من الآن..

المكان: قصر البارون..

الحدث: المحفل الثاني..

وضللت الشاشة !!

فضلت قاعد متعدد مش عاوز أروح، هيحصل إيه يعني تاني؟

هبقى أقول أن راحت عليا نومة!

واترميتك على السرير... رجع الموبايل رن رنة الهم دي....

فتحته لقيت فيديو:

فيديو ليَا حَالًا وَأَنَا فِي الْأَوْضَة..

وَأَنَا قَاعِدٌ زِيَّ مَا أَنَا دَلُوقْتِي عَلَى السرير وَاتْحَرَكَتِ الكَامِيرَا
لَتَحْتِ السرير وَصُورَتْ ...

شَوْفَتِ مَا لَا يَقُلُّ عَنْ (100) تَعْبَانٍ شَكْلُهُمْ بَشَعٌ وَهُمْ مَلْفُوفِينَ
عَلَى بَعْضٍ وَمُتَدَاخِلِينَ بِالْأَلوَانِ مُخْتَلِفَةٌ؛ أَسْوَدٌ وَبَنِيٌّ وَأَصْفَرٌ وَأَحْمَرٌ !!

وَرَجَعَتِ الصُّورَةُ جَابَتِنِي وَأَنَا قَاعِدٌ عَلَى السرير، كُنْتِ شَايِفٌ
نَفْسِي وَأَنَا مَاسِكٌ الْمُوبَايِلِ زِيَّ مَا أَنَا مَاسِكُهُ حَالًا، رَفَعْتِ إِيْدِيَيِّ
الْيَمِينِ فَانْعَكَسَتِ رَفْعُ إِيْدِيَهُ هُوَ كَمَانٌ !

نَزَلتِ اِيْدِيَ فَنَزَلَ إِيْدِيَهُ، كَدَهُ دَهُ مَعْنَاهُ تَصْوِيرٌ حَقِيقِيٌّ مَشْ وَهُمْ !

فَجَأَةً فِي صُورَةِ انْعَكَسَيِّ نَزَلَ مِنْ السَّقْفِ تَعْبَانٌ عَلَى السرير !

نَزَلَ تَعْبَانٌ، وَرَاهُ التَّانِيُّ وَالثَّالِثُ انْعَكَسَيِّ بِصَلَلِ السَّقْفِ فَإِذَا بِمَا
لَا يَقُلُّ عَنْ أَلْفِ تَعْبَانٍ وَقَعُوا عَلَيْهِ... وَغَطَوْهُ بِالْكَامِيلِ، نَامَ عَلَى السرير
وَبَدَأَ يَصْرَخُ وَفَضَلَ يَتَنَفَّضُ وَيَتَلَوِّ عَلَى السرير ! وَانْفَجَرَتِ نَافُورَة
دَمٌ مِنْ جَسْمِي فِي الصُّورَةِ !

الْمَرَّةُ دِي سَمِعْتُ صَرْخَاتِهِ وَكَانَتْ لَا تَحْتَمِلُ ..

الْمَرَّةُ دِي حَسِيْتُ بِكَهْرَبَهِ بِتَضْرِبِ جَسْمِي كَلَهُ ...

الصورة وقفـت على مشهد الموت ده !

واتكتب على الشاشة :

لست مخـيرا !

المـحفل يعقد لأجلـك !

ما رأـيـته سيـحدـثـ لكـ إنـ لمـ تـتـحرـكـ خـلالـ (20ـ ثـانـيـةـ) منـ الآـنـ.

واتـحـولـتـ الشـاشـةـ لـعـدـادـ بـيـعـدـ تـنـازـلـيـ منـ (20ـ 19ـ 18ـ)

قـوـمـتـ نـطـيـتـ مـنـ عـلـىـ السـرـيرـ،ـ نـطـيـتـ حـرـفـيـاـ جـواـهـدـومـيـ وـأـنـاـ
عـمـالـ أـبـصـ عـلـىـ التـلـيـفـونـ كـنـتـ بـلـبـسـ الـجـزـمـةـ،ـ وـالـعـدـادـ مـكـمـلـ (4ـ
(1ـ 2ـ 3ـ -

معـ الرـقـمـ صـفـرـ لـقـيـتـ تـعبـانـ اـسـودـ وـقـعـ مـنـ السـقـفـ عـلـىـ السـرـيرـ..ـ
وـقـعـ فـيـ الـحـقـيقـةـ مـشـ فـيـ انـعـكـاسـ الصـورـةـ عـلـىـ الـمـوـبـاـيـلـ وـفـضـلـ
يـلـفـ عـلـىـ السـرـيرـ!

خرـجـتـ أـجـريـ مـنـ الـأـوـضـةـ بـدـوـنـ تـفـكـيرـ،ـ وـفـتـحـتـ بـابـ الشـقـةـ
وـنـزـلـتـ أـجـريـ،ـ وـقـفـتـ تـاكـسيـ وـطـلـبـتـ مـنـهـ أـرـوـحـ مـصـرـ الـجـدـيـدةـ عـنـدـ
قـصـرـ الـبـارـوـنـ،ـ فـضـلـ السـوـاقـ يـرـغـيـ وـيـجـبـ كـلـمـةـ مـنـ الشـرـقـ عـلـىـ
كـلـمـةـ مـنـ الغـرـبـ وـأـنـاـ أـرـدـ عـلـىـ كـلـمـةـ وـعـشـرـةـ لـأـ..ـ

لـحـدـ مـاـ قـالـيـ:

العنوان الثالث

- هو حضرتك نازل فين؟ عند القصر نفسه؟

نادر: آه القصر نفسه.

السوق: نفسه إزاي ده ممنوع دخوله؟! آه تلاقي فيه حفلة أو فرح معمول هناك.

نادر: لأنّي ميعاد فيه.

السوق: يا باشا القصر ده مفيهوش مكان للمقابلات.

نادر: يا سيدى أهو تغيير.

السوق: إيه قلت لي! أوعي تكون منهم!

نادر بزرعic: أكون من مين؟

السوق: عبدة الشيطان بتوع زمان دولام..

دول كانوا يجوا هنا يحضرروا عفاريت ويعبدوا إبليس، دي كانت فضيحة كبيرة، قبضوا على ناس كتير فيها وكان فيهم ولاد فنانين وناس مهمين من إيه إاهم!

وكان أعماد هم مش مكملين (25 - ٢٥) - في ركانتوا بيبروا هنا ينيلوا الدنياع الآخر واتقبض عليهم وخرجوا لأن معظمهم كانوا أحداث ومش فاهمين بيهمروا إيه، بس عارف الغريب يا باشا؟

نادر: إيه الغريب يا باشا؟

السوق: أن القصر فضل يحصل فيه حاجات غريبة كتير، بعدها
كذا مرة الداخلية دخلته ومكانتش بتلاقي حاجة!

ناس تقولك القصر أتسكن وناس تقولك إن فيه جماعات
شيطانية بيمارسوا فيه طقوس ومحدش يعرف يوصلهم !!

وصلنا ونزلت من التاكسي ووقفت قدام قصر البارون وواضح
جداً إن دخولي بشكل رسمي أو حتى ودي هيكون مستحيل !

فكان الحل الوحيد هو الرجوع لأيام شقاوة المدرسة، فروحت
عند منطقة جانبية من السور وطلعت عليه بعد ما اطمنت ان مفيش
أمن واخد باله !

نطيت واتسحبت بالراحة زي الحرامية في الجنة لحد ما
وصلت عند القصر نفسه !

وقفت عند باب خشب قديم للقصر مغلق ومكسور منه
جزء كبير يعديني من خلاله، ودخلت منه بالفعل، نورت كشاف
الموبايل، المنظر كان كالتالي:

الأرض مليانة أزاي متكسرة

والحيطان عليها أسماء ناس

واضح أن اللي كان بيدخل هنا بيسيب كالعادة ذكرى باسمه
بغض النظر أنه هيشهو المكان أو لا؟

وحاجات تانية لا داعي لذكرها احتراماً للقارئ!

البهو كان صغير وفيه باب خشب كبير جانبي من بتوع زمان
مقول وسلام داخلني لحوالي (3 أدوار) للقصر، طب مش عارف
أعمل إيه؟!!

قعدت على السلم مستني يحصل حاجة
والقعدة شكلها هتطول!

حاجة قالت لي باب الأوضة ده أكيد له علاقة بأي حاجة، وقفـت
قدامـه لاقيـت مقبض للـخبط على شـكل قـبـضة إـيدـ، خـبـطـتـ بهـ مـرـةـ،
سمـعـتـ حـاجـةـ زـيـ هـمـسـ جـايـ منـ جـواـ..

خبـطـتـ تـانـيـ وـتـالـتـ

سمـعـتـ صـوتـ قـفلـ الـبـابـ بـيـتـفـتحـ منـ جـواـ وـاـتـفـتحـ ..

لاقيـتـ واحدـ منـ التـلـاتـ شـبـابـ إـلـيـ كانـ مـعاـهمـ الصـندـوقـ فيـ
الـمـرـةـ الـلـيـ فـاتـتـ بـيـفـتحـ لـيـ وـعـلـىـ وـشـهـ اـبـتـسـامـةـ وـبـيـشاـورـ لـيـ يـاـيـدـهـ

إني أدخل... كانت الأوضة خرابة، لقيته جاب لزقتين لونهم اسود
وغلق عليهم عينيا وتبقت العين الثالثة وشوفت....

نفس القاعة السابقة بتتكرر من جديد، والثلاث رجال الكبار
جالسين على كراساتهم ووراهم نفس الكائنات المخيفة وكرسي
موجود لي قدامهم، والمرة دي فيه كرسي كبير جداً على جنب.

دخلت ودار الحوار بيني وبين اللي قاعد في النص وقالي:

- حصلت على المكافأة الأولى

انتهى المحفل الأول
اليوم يبدأ المحفل الثاني

اليوم تحصل على مزيد من المعرفة
اليوم يوكل إليك أولى المهام.

قاطعته:

- أنا عاوز أسألكم سؤال وعاوزك تكلمني كلام أفهمه بالعامية
كده.

ابتسم وقالي:

- اتفضل يا (نادر).

العين الثالثة

نادر: انتم مين؟

رجل المتصف:

- سألت قبل كده السؤال ده وحصلت على الإجابات منا وبعد
كده من حارس العين.

نادر: بردو مفهمتش.

رجل المتصف:

- وعشان كده في محافل لسه جايـه ليـك كـثير هـتفـهم مـنـها أـكـتر.

نادر: العين دي بتاعة الماسونية.. صـح؟

رجل المتصف بصـليـيـانـهـاـشـ وـسـكـتـ تـمـامـاـ وبـصـ لـلـاتـنـينـ
إـلـيـ حـوـالـيـهـ وـمـارـدـشـ..

نادر: انتـمـ مـاسـوـنـيـنـ وـعـاـوـزـيـنـ تـضـمـونـيـ لـيـكـمـ؟

قطع الكلام فتح الباب من جديد ودخول نفس الكائن وحيد
العين (السايكلوب)..

وأول ما دخل كلهم وقفوا وقعد على الكرسي الفاضي!

حارس العين بعد ما قعد: سمعت أسئلتك.



نادر: والإجابة.

حارس العين: أنا أحرس العين ومش مصرح ليأتكلم غير في المعلومات إللي هي بتديهالي ولو انت تعبت نفسك وقررت شويه هتعرف أننا غير الماسونية، احنا كيان آخر موازي لها وربما أرقى.

نادر: وأنا مش مقتنع !

حارس العين تجاهل كلامي وقام وقف وقال: العين تعلن انعقاد المحفل الثاني.

دخل الثلاث شباب ومعاهم شاب ملبسينه لبس غريب جداً
زي بتاع الرومان المحاربين، وكان على وشه كيس قماش أبيض،
ورفعوا الكيس القماش فاتفاجئت: إيه ده؟ (زاهر)؟!!

(زاهر) ده رئيس قسم الحسابات في الجريدة...

نادر: (زاهر) أنت بتعمل إيه هنا؟!

زاهر: أنا حققوا اللي كل إللي طلبته والنهارده جاي عشان أحضر
محفل جديد وأوصل لمرحلة اللاعبودية زيك أكيد!

حارس العين ابتسם وقال لي:

- (زاهر) غيرك تماماً.. (زاهر) مطلبش المعرفة... انت طلبتها.

العين الثالثة

(زاهر) النهارده جاي لمحفله الأخير (هو محفله الأخير وهو نفسه محفلك الثاني) ..

هتنفذ حكم المحفل الثاني وبعدها هيتحقق لك ما تتمنى ..

نادر: والمطلوب مني إيه؟!

لاقيت واحد من الشباب الثلاثة جاي معاه صندوق فضي اللون مستطيل الشكل وفتحه، كان مبطن بقمash قطيفة اسود ولاقيت جواه خنجر فضي قديم مرصع بأحجار كريمة باين عليها انها قديمة وقيمة جدًّا !

نادر: لو إللي في بالي، يبقى طبعًا لأ!

زاهر: (نادر) أرجوك ساعدني أحصل على المحفل الأخير.

نادر: انت مجنون! فووووو يا (زاهر) دول عاوزني أموتك!

زاهر: ده مش موت يا (نادر).... كل دي أشياء مزيفة.. هنا مفيش موت، هنا خلود وحياة أبدية، أنت مش متخيل أنا دلوقتني ثروتي بقت (4 مليون جنيه) بس ده مش كفاية، احنا لازم نبقى أغنى أغنياء العالم يا (نادر).

حارس العين:

- (نادر) محفلك الثاني:

عليك أن تقدم لنا قربان أحد الطامعين، عليك أن تهدي للعين الذبيحة الأولى.. ولك من العين ما تبغي وتنتمي.

نادر: لا.

حارس العين: احترس يا (نادر) من رفض أمر العين في محفلك الثاني.. احترس!

لقيت (زاهر) جري وأخذ الخنجر من الصندوق وقالي: أرجوك يا (نادر) أتوسل إليك، ملکش دعوة، أنا موافق.. امسك يا (نادر) الخنجر امسكه.

مسكت الخنجر فعلاً وقلت له: أبعد عني يا (زاهر) بقولك وإلا....

(زاهر) قاطعني:

- من غير (وإلا) نفذ المحفل بتاعك وتنفذ لي المحفل بتاعي..
كده كده إحنا الآتين محتاجين تنفيذ المحفل ده وأنا موافق.

نادر: وأنا بقولك لا يا (زاهر) ريح نفسك.

حارس العين قام وقف..

ولقيت العين اللي في منتصف جبنته تحولت للون الأحمر...

بصراحة منظرها كان مخيف جدًا وكل تركيزي كان معها..

فوقت على صوت حشرجة مخيف، بصيت قدامي لاقيت
(زاهر) مسك إيدي اللي ماسكة الخنجر وحرك إيدي بالخنجر
ودبع نفسه عن طريق إيدي !!

حسيت بشعور رهيب ونصل الخنجر بيقطع شريان الحياة لـ
(زاهر)..

اتشليت عن الحركة ولسانني اتشل عن الكلام و(زاهر) ماسك
إيدي وبيمشي ..

نصل الخنجر على رقبته !

مشهد لم يتعدَّ ثانية لكنني عشتُه لساعات طويلة!!!

نافوره دم انفجرت من رقبة (زاهر) على إيدي وهدوبي ووشي
وخارت قوى (زاهر) وساب إيدي ووقع في الأرض وفضل يتلوى
في الأرض ورجليه بتفرد وتتنى، وصوت غليظ وأجش بيخرج من
حنجرته... وبحر من الدم بيسيل على الأرض حواليه! وانا واقف
مسك الخنجر وفاتح بوعي على آخره ومبخر جش مني أي صوت!

بصيت ناحية الجالسين ثلاثة اللي كان على وشهم ابتسامة
بشرقة وكأنهم بياركولي !

أما عن حارس العين فلقيته قعد من جديد وعينه رجعت للونها
ال الطبيعي

حارس العين: تم المحفل الثاني.

نادر: لأننا ما قتلتتش (زاهر).

حارس العين: (زاهر) أنقذك!

نادر: أنا ما قتلتتش (زاهر).

حارس العين: تقدر تقول إنك قتلته وما قتلتلوش.

حارس العين: اطلب تجاب.

نادر: مش عاوز حاجة منكم.

حارس العين: ثروة؟

نادر: يا مجرمين يا قاتلين.

حارس العين: نقتلك (كساب)؟

نادر: مش عاوز منكم حاجة.

العين الثالثة

حارس العين: تحب تبقى رئيس الجريدة أو حتى شريك فيها؟

نادر: أنا همشي يا مجرمين.

حارس العين: نرجع لك (هالة)؟

نادر: مش عاااو..... إيه؟!!!!

حارس العين ضحك بصوت عالي: مع السلامة يا (نادر).

نادر: قلت إيه؟ تقدر ترجع (هالة)؟ تقدروا؟

حارس العين: أيوه نقدر!

نادر: بس دي ماتت!

حارس العين: لاً مامتش وأنت عارف ده كوييس وقابلتها
بنفسك!

نادر: يعني (هالة) ممكن ترجع؟

حارس العين: قلت أيوه.

نادر: ترجع تعيش وسطنا وتأكل وتشرب زينا؟

حارس العين: وتشوفها وتخطبها وتجوزها كمان.

(نادر) بلهفة طفل: موافق موافق موافق.

حارس العين: لك ما طلبت، لكن انتبه كلما توغلت أكثر كلما
كان الانسحاب مستحيل، وكلما كان تنفيذ أوامر المحايل صارم
التنفيذ!

نادر: يعني إيه؟

حارس العين: يعني المرة الجايه محدثش هيمسك لك الخنجر
يا (نادر).

نادر: يعني هو كل مرة نفس الطلبات؟!

حارس العين: (هالة) موجودة دلوقتي في بيت عمتها في شارع
الفجالة في رمسيس، العمارة الموجودة قدام محل العصائر الكبير
الموجود هناك، الدور الخامس.. مبروك مقدماً يا عريس!

بدأ المحفل في الختام وكل الموجودين احتفوا واحد ورا
الثاني، وشال أحد الشباب اللزقة من على عينيا ورجعت الأوضة
عبارة عن خرابة على البلاط ..

وخرجت أجري من قصر البارون ..

وأنا مش بفكر غير في حاجة واحدة ..

(هالة) رجعت

(هالة) رجعت

(هالة) رجعت

جريت في الشارع ووقفت تاكسي، أول ما وقف لي صرخ فيا:
في إيه مالك يا أستاذ؟

نادر: مالي في إيه يا عم؟

السوق: أنت مش شايف نفسك؟ أنت اتقتل ولا إيه؟!

بصيت لاقيت القميص كله غرقان دم!

نادر: هو أنت شايف الدم؟

السوق: لا يا خفيف شايف صلصة، وسع يا عم كده اتوا
بتتحدفو علينا منين!!

فتحت باب التاكسي وركبت وقلت له: لو موصلتنيش هخليلك
تحصله.

السوق برعه: هو مين؟

نادر: ملکش فيه، ودينی لأقرب كشك وانزل هات لي منه (٣
أزاي ميه).. يالا اتحرک بقولك.

السوق طلع بینا في رعب وطول الطريق بيبيص لي في المراية
إللی قدامه..

أنا قومت مطلع التليفون بحركة سريعة لأن لازم أنقذ نفسي من
 موقف الدم ده وجبت الكاميرا عليا وعليه وقلت:

- وفاز معانا في برنامج (شهامة مصرى) السوق المصري
المحترم إللی ما خافش ينقل حد مصاب للمستشفى، لأ وكمان
كان هينزل يشتري له دوا ومية، نتعرف بيک!

السوق في ذهول: أنا أنا أنا (عز).

نادر: إحنا برنامج (شهامة مصرى) وأنت طلعت شهم وفترت
معانا بجائزة البرنامج (٢٠٠ جنيه).

السوق بفرحة بائسة: بجد؟

نادر: أيوه بجد (٢٠٠ جنيه).

السوق: لا أنا أقصد يعني بجد ده مقلب؟!

نادر: أيوه يا (عز) دي صلصة يا عم، وقومت ماسح صباعي في القميص في الدم وحططيه في بوقى وقلت له: صلصة أهيه.. تحب تدوق؟

بذمتك ده شكل واحد يقتل فرخة حتى؟

السوق: حرام عليك، يا شيخ ده انت وقعت قلبي، بس على العموم أنا مصرى وشهم أوي وكنت ممكن أوصلك لحد أى مستشفى، أنا جدع أوي والله.. بالك انت حضرتك مرة في ولية وقفتي هي وجوزها والراجل اتمكن منها وهما معايا واطشها بالقلم على خلقتها، بالك انت بقى أنا عملت إيه؟ نزلت وهزقته وفضلت وراهم وعزمتهم على مانجا من معايا ومارضيتش أخد منهم الأجره والله، ما هو الواحد مننا لازم يبقى مصرى شهم.

نادر: طبعاً طبعاً.

ودخل الفيلم على (عز) ووصلني للبيت علطول ولا عدينا على كشك ولا غيره واديته الأجرة، ومعاها الـ (٢٠٠ جنيه) الجايزة المزعومة!

العين الثالثة

وطلعت الشقة بسرعة، محدث شافني لأن الجو كان متاخر
جداً..

دخلت وقفلت عليا الباب!

ولقتني عمال أغني ..

هقابلها بكرة ..

وبعد بكرة ..

وبعد بعده ..

ه مقابلها ه مقابل (هالة) بكرة وبعد بكرة.

- أكده بحبها !!

- أكده رجوعها نساني أن في واحد أنا شاركت في دبحه ولو
حتى بطريق غير مباشر من شويه !!

- أكده نسيت أنا دخلت نفسي في إيه !!!

دخلت ورميت الهدوم الغرقاته دم في الغسالة وأخذت دش
دافي وطلعت أكلت ونممت نوم عميق جداً، نوم كله أحلام متعلقة
بشخص واحد... (هالة).

الصبح كنت في مكتبي قبل ميعادي

و(ساندرا) بتحط لي جوابات القراء قدامي
فتحت الدرج وحطتهم فيه
وفضلت معظم الوقت دماغي مش معايا
وبعد الثوانى والدقائق عشان أخرج أروح لـ (هالة)...
حرفيًّا كنت مش على بعضى، سبت المكتب وخرجت أخذت
تاكسى ورحت الفجالة للعنوان اللي اداهولى أبو عين واحدة ده...
ولقيت العمارة وعرفت مكان شقة عمدة (هالة)..

خبطت على الباب فتحت لي ست في الخمسينات قلت لها:
– مساء الخير يا ترى (هالة) موجودة؟
الست: أيوه مين حضرتك؟

مجرد ما قالت أيوه جسمى كله اترعش وقدت قدرتى على
تمالك أعصابى !

قالت لي: طب اتفضل هي كانت بس مسافرة ولسه راجعة
امبارح.

دخلت استنيت في الصالة والثانية بتمر عليا كأنها ساعة!
لحد ما دخلت (هالة)!!

العنين الثالثة

أنا تحولت لطفل لقى أمه إللي ودته المدرسة وسابته كتير
لوحده، وفجأة من وسط الزحمة بعد ما افتكرها تاھت عنه، ظهرت
له عشان تاخده معاهها ويروحوا البيت سوا..

نادر: (هالة).... حمدًا لله على سلامتك.

هالة: الله يسلامك.

نادر: أنا مش مصدق عينيا!

(هالة) ابتسمت ومتكلمتش.

نادر: أنا امبارح لما عرفت إنك هترجعي روحي ردت فيا من
جديد.

هالة: متشركة جدًا بس ...

نادر مقاطعًا: ما بسش يا (هالة) أنا مش هضيع الفرصة تاني.

هالة: أنا بس عندي سؤال واحد مش لاقiale إجابة.

نادر: أنا فاهم وهحكبي لك كل حاجة عنهم وإزاي وافقوا إنك
ترجعي!

هالة: هم مين .. خالي وختالي؟

نادر: لا المحفل... مش ده إللي كتتي هتسألني عنه؟!

هالة: ولو أني مش فاهمة كلامك بس لأنّي مش ده السؤال.

نادر: أومال إيه السؤال قولی؟

هالة: ما انت مش مديني فرصة انطق.

نادر: خلاص أنا آسف.. اتفضلي.

هالة: سؤالي عنك انت... أنت مين؟!

نادر فی ذھول: ایہ؟؟؟

هالة: أیوه انت مین؟ أنا عمالة أركز معاك واحاول افتدرك؟

وهل أنا كنت أعرفك قبل الحادثة ونسألك وأنا في المستشفى
ولا إيه؟

نادر : حادثہ ایہ؟

هالة: الحادثة إللي حصلت لي بعد موت بابا!

أنا فضلت في المستشفى فاقدة الذاكرة أكثر من (3 شهور).

نادر: يعني انتي مش فاكراني.

هالة: للأسف لا!

العنين الثالثة

نادر: ولا فاكرة كرفان الصحراء بتاع بابا!

هالة: أعرف طبعًا الكرفان بتاع شغل بابا لكن مش فاكر اك!

نادر: (هالة) مش فاكرة (مدبولي)?

هالة: أقسم لك ما فاكرة حاجة!

أنا افتكرت عمتى بالعافية بسبب أنها كانت معايا علطول في المستشفى.

نادر: أنا مضطر أمشي.

هالة: أنا آسفة إني أحبطتك.

نادر: لأن خالص.. مفيش إحباط ولا حاجة!!

وخرجت من الشقة وأنا بجر أذيال الخيبة ورايا!

رجعتو هالي فاقدة الذاكرة.. يا فرحتي!

ودي أحكي لها إيه!

أقولها إني السبب في موت أبوكي!

ولا أقولها إنها محبوسة في عالم سفلي!

مشيت في الشارع أكلم نفسي وأنا حزين على المكافأة إللي زي
قلتها !!

روحـتـ الـبـيـت ..

فتحـ جـهاـزـ الـكـمـبيـوـترـ لـاـقـيـتـ (ـزـهـرـةـ)ـ أـوـنـلـايـنـ ..

بعـتـ لـهـاـ :ـ اـنـتـيـ فـيـنـ ؟

زـهـرـةـ :ـ مـوـجـودـةـ .

نـادـرـ :ـ هـوـ خـلاـصـ كـدـهـ ؟ـ لـبـسـتـيـنـيـ المـصـيـبـةـ وـسـيـتـيـنـيـ !

زـهـرـةـ :ـ عـرـفـتـ حـاجـةـ ؟

نـادـرـ :ـ طـبـ اـطـمـنـيـ عـلـيـاـ حـتـىـ !

زـهـرـةـ :ـ يـاـ (ـنـادـرـ)ـ مـامـاـ حـالـتـهـاـ بـتـسـوـءـ .

نـادـرـ :ـ بـتـسـوـءـ إـزاـيـ ؟

زـهـرـةـ :ـ بـقـتـ بـتـلـبـسـ لـبـسـ غـرـيبـ وـعـلـطـولـ سـرـحـانـةـ ،ـ وـأـوـلـ اـمـبـارـحـ
(ـحـكـمـتـ)ـ جـتـ زـارـتـنـاـ وـطـلـبـواـ منـيـ أـخـرـجـ ،ـ وـلـمـ سـأـلـتـ مـامـاـ :ـ ”ـفـيـ
إـيـهـ؟ـ“ـ زـعـقـتـ لـيـ وـهـزـقـتـنـيـ قـدـامـهـاـ !

نادر: أنا مش عارف بردو كل الأمور ومش ملم بكل الخيوط
لسه، أنا في مرحلة أولية جدًا.

زهرة: (نادر) أنت طلبت منهم حاجة؟

نادر: حاجة إيه؟!

زهرة: طيب خلاص.. واضح إنك بدأت تعمل زي ماما.. أنا
برجوك تعرف وتفهم وتقولي إزاي أرجع أمي زي ما كانت.

نادر: حاضر يا (زهرة).

زهرة: بالمناسبة إللي بابا كان هيتجوزها اختفت تماماً.

نادر: أكيد..... فاهم..... فاهم.

ووقفت معها..

وكملت اليوم عادي....

على بليل باب الشقة خبط، خرجت عشان أفتح لاقيته مفتوح
ولاقيت حارس العين واقف وعلى وشه ابتسامة مخيفة..

نادر: طبعًا جاي لي عشان أقولك شكرًا.

حارس العين: لأ.

نادر: مرجعينهالي فاقدة الذاكرة! يا فرحتي بيكم!

حارس العين: ده الاختيار الوحيد.. مينفعش تفتكر العالم
إللي كانت فيه، مش هتقدر تعيش، احنا مانعينهم عنها عشان
مايتعرضوش لها أو ياخدوها.

نادر: دي مش فاكراني حتى!

حارس العين: شويه تفكير هتقدر تتصرف.

نادر: لأ مش هفكر، اتصرفوا أنتم.

حارس العين: بسيطة، قولها إنك كنت خطيبها قبل ما تفقد
ذاكرتها.

نادر: إيه؟

حارس العين: أيوه وكده بقيت خطيبها رسمي.

تهلللت أسارير (نادر) وقال:

- صح صح.. أنت عبكري يا ابو عين واحدة.. اشكر لي العين...
صحيح مش هي إللي في راسك دي؟

العين الثالثة

حارس العين: لأدي صورة رمزية لها.. العين أعظم من أنها تخرج.

نادر: تمام.. تمام.

حارس العين: أنا جيت علشان حسينا أن فرحتك مكمتش،
شوفت الكيان مهمتهم بييك إزاي؟

نادر: طبعاً شايف.

حارس العين: طيب رد على تليفونك.

نادر: ما بيرنش!

حارس العين: هيرن.

و فعلَّا رن الموبايل في الأوضة الرنة بتاعتهم، ودخلت فتحته:

غدًا في العاشرة ليلاً

قصر البارون، الطابق الثاني

الحضور للمحفل الثالث.

أنا مش هستنى:

لبست تاني وخرجت اشتريت دبلة فضة لبستها ورحت لـ
(هالة).. خبطت ع الباب، هي إللي فتحت لي المرة دي ..

نادر: (هالة) أنا اسمى (نادر فوده) بشتغل صحفي وإحنا
كنا مخطوبين وكان باباكي معترض، لكننا أقعنناه وانتي كنتي
متمسكة بيأ جدًّا وفضلت جنبك طول فترة وفاة بابا، بس عمتك
ما تعرفش حاجة عن الموضوع ده، فكنت باجي المستشفى سرقة
أسأل عليكى، وكان عندي أمل أنك تفوقى، ولما جيت المرة إللي
فاتت اتصدمت إنك قلتى إنك مش عارفانى، بصراحة أنا قلت إنك
تجاهلتني، ومش عاززاني، فقررت انسحب بس بعدها رحت
المستشفى وقالولي إن ده فقدان ذاكرة مؤقت وإن لازم أكون جنبك
عشان تفكري كل حاجة، أنا خطيبك ولا بس ديلتك وعمري ما
هقلعها، أرجوكى ادينى فرصة أكون جنبك طول عمرك زي ما
اتفقنا قبل كده..

(هالة) كانت ملامحها جامدة وأنا بحكي وده خوفني وقلقنى،
ولكن فجأة اترسمت ابتسامة جميلة على وشها وقالت لي:

العين الثالثة

- أنا كنت حاسة المرة إللي فاتت أني أعرفك، والله كنت حاسه،
بس لما انت مشيت زعلت وقلت: يا ترى مين ده؟ أنا مصدقاك... يا
عمتي... يا عمتى، أعرفك بـ (نادر) كنا مخطوبين قبل موت بابا.

ظهرت عمتها وقالت:

- طب ما قلتش ليه يا ابني من الأول؟

اتفضل يا حبيبي اتفضل..

دخلت وحكيت لعمتها نفس الفيلم الهندي وصدقته..

و قضيت أجمل ساعتين في عمري وأنا قاعد معها بتكلم
وبنضحك وبألف لها ذكريات عن فترة خطوبتنا!

لحد ما سألتني عن أي صورة لينا، اتكلكت بأي كدبة جديدة
عشان اهرب من الموقف!

روحت البيت وأنا في قمة سعادتي، ده أنا كنت لسه هرجع
أكلمها وأتقرب لها وبعدها أطلب منها الارتباط وتأخذ وقت تفكير
ويا عالم هتوافق ولا هترفض، أديني خبط لزق بقيت خطيبها..

فتحت الكمبيوتر لاقيت (زهرة) باعتمة لي (30 رسالة)..

الرسائل كلهم كانوا:

نادر

أنت فين

رد عليا

يا نادر

عوزاك ضروري

نادر

نادر

أرجوك

رديت عليها لكن للأسف ما كانتش موجودة..

وكتب لها: اكتبي لي إيه إللي حصل لما تكوني هنا! ما تقلقيش يا (زهرة) أنا ناوي الطلب الجاي في المحفل الجاي أطلب حل للموضوع ده أو أعجل بنهايته... أنا مش ناسيكي.

على ما أخذت دش وقعدت أرتب ورقى كان الصبح طلع،
جهزت فطاري وفطرت ولبست وخرجت ورحت الشغل..

(ساندرا) جابت لي جوابات كل يوم ووسطهم جواب جاي بالبريد السريع من إحدى دول الخليج، حطيته في درج لوحده وقلت هقراء الأول..

الباب خبط لقيت (ساندرا) داخلة لي بجواب تاني بتقولي:
أستاذ (زاهر) كان سايب لحضرتك الجواب ده من أسبوع وتأه
وسط الجوابات ولقيته حالاً.. أنا آسفة جداً.

نادر: (زاهر حسابات) بتاعنا؟

ساندرا: أيوه يا فندم.

ملحقتش أفتحه، لاقيت اتنين من قسم الحسابات خارجين من مكتب رئيس التحرير جنبي، وهم خارجين بيقولوا له: لو عرفنا عنه أي حاجة يا فندم هنبلغ سيادتك علطول.

قمت ودخلت لرئيس التحرير إللي قالني:

- من وقت المكتب الجديد ومبقتش بشوفك يا عبكري.

نادر: خالص والله يا فندم شوية مشاغل.

رئيس التحرير: إيه يا (نادر) انت خطبت؟

نادر: أنا إيه؟

رئيس التحرير: الدبلة هتنطق وتقول (نادر) خطب.

(نادر) بابتسمة مصطنعة: قرابة فاتحة على الضيق كده.

رئيس التحرير: يا عم طب قول نعمل الواجب، ألف مبروك..

ربنا يتمم لكم بألف خير.

نادر: هم الآتنين إللي كانوا عند حضرتك من الحسابات كانوا
عاوزين إيه؟

رئيس التحرير: آه صحيح (زاهر) مجاش بقاله يومين ثلاثة،
ولما راحوا شقته عرفوا إنه عزل هو وأسرته وقالوا البواب قالهم إنه
اشترى فيلا وانتقل لها، بس طبعاً ده كلام غير منطقي.. (زاهر) زي
حالاتنا، إللي جاي على أد إللي رايح.

- بس يا سيدى، ده إللي كانوا عاوزينه، أنت بقا قولى مفيش
تحقيق كده قريب؟

نادر: فيه... لا مفيش.

رئيس التحرير: خلاص أنا عارف أنه أكيد فيه وكالعادة أنت مخبي.

استأذنت وخرجت ورحت مكتبي، وفتحت جواب (زاهر).

إلى الزميل العزيز (نادر فوده)

بدون مقدمات أعلم جيداً أنك انضممت إلى المحفل... أود أن أخبرك أن المحفل له المقدرة في السيطرة على عقولنا وتسخيرها لأهدافه القاتلة.. إنهم يسعون لاستعباد أكبر عدد من البشر، يقتلون ويسفكون الدماء لأن هذا هو شرعهم ومنهجهم الذي يبقون بسببه..

إذا كنت اليوم لك القدرة على الموافقة أو الرفض أو حتى التفكير، فسيأتي الوقت الذي تسلب فيه إرادتك وتطلب منهم أن يذبحوك وأنت في كامل سعادتك، وأنا الآن مقبل على هذه المرحلة..

لقد شاهدت هذا في المحفل السابق، أحد زملائي طلب مني أن أذبحه، عارضت فرأيت الأهوال، وحين وجدته مرحباً بذلك حققت له ما طلب، لقد جنلت الملايين ولكنني أعلم أن دوري قد

اقرب وأجلبي قد حان، وأعلم أن رسالتي هذه ستعجل ب نهايتي
ولكنني أقول لك:

اهرب اهرب اهرب

قبل أن يصبح الهروب دربًا من دروب الخيال....

خلصت الجواب..

وقلت: خلاص يا (زاهر)... الله يرحمك ما كنتش تعرف أن
المحفل هكون أنا المطالب فيه أن أذبحك !!

الفصل العاشر

المحفل الثالث

عدي اليوم في الشغل وفضلت أكتب في قصص لباب (ما وراء
الطبيعة) تشغله الجورنال لشهر قدام وبص في الساعة لاقيتها بقت
(٩) بليل.. اتظرت من على المكتب ونزلت أجري ووقفت تاكسي
وانطلقت لقصر البارون..

ودون الخوض في تفاصيل مكررة، دخلت ووصلت لمكان
المحفل الجديد في الدور الثاني ونفس المشهد ونفس الحضور
ووقف حارس العين وقال:

- يعقد المحفل الثالث

معرفة أكثر وولاء أكبر
وأمنيات أكثر.

المرة دي دخل الثلاث شباب ومعاهم سيدتين... وبنفس
الابتسامة المرعبة على وشوشهم، لبس السيدتين كان زي لبس
ألف ليلة وليلة زمان.

وإذا بحارس العين يكلمهم ويقول لهم:

- الآن تخلصا من الرق والعبودية

لا إله لكم سوى رغباتكم

لارادع لأحلامكم

لا حاجز لطموحاتكم

لكن السر يكمن في يده.

وشاور عليا!

لاقيت الاثنين جايين بيجروا ناحيتي زي الأفاعي عاملين يلغوا
حواليا، وشوشهم كانت مخيفة وكل شويه بتخوف أكثر وعاملين
يقولوا:

دلو قتي

دلو قتي

دلو قتي.

لمسهم لجسمي كان بيأذيني جداً! وعينيهم ورغباتهم مش
مطمئني!

جم الثلاث شباب وزقوهم بعنف على الأرض وجابوا اليها
صندوق نحاس مستدير..

علطول فهمت..

قلت له: أنت متخيّل لو إللي في بالي صح أني هعمله؟ ده أنا
ممتوش واحد عاوزني أموت اتنين!

ميل على ودني وقال جملة أدركت منها ان ظنوني الأولى كانت
صحيحة!

نادر: لا ولا ده كمان!

فضل مبتسم وجاب الصندوق قدام وشي و قالى: خلاص.

فتحت الصندوق لقيت المرة دي خنجرين..

نادر: الله وكمان هموت كل واحدة بخنجر!

حارس العين: لأ يا (نادر).. أنت دورك تسلّمهم الخنجرين
بس، بس كان المفترض قبل كده تعمل شيء تاني وبعدها تسلّمهم
الخناجر.

العين الثالثة

نادر: وانا قلت لا.

حارس العين مبتسمًا: دي مش خيانة لـ (هالة).

نادر: قلت لا.

حارس العين: سلمهم الخناجر.

نادر: طب ما أyi حد يديها لهم، اشمعنا أنا؟؟؟!

حارس العين: عشان المحفل ده بتاعك أنت وعشان هم
طامعات مش باحثات عن المعرفة، طبيعي نهايتهم تكون كده.

نادر: بس.

حارس العين: ما بسش يا (نادر) اديهم الخناجر وابقى غمض
بعدها عينيك.

بمد إيدي أطلع أول واحد قاطعني (حارس العين) وقال:
- بإيديك الاتنين شيل بكل إيد خنجر في نفس الوقت.. كن
عادلاً في محفلك!

مديت إيديا الاتنين ومسكت الخنجرين وطلعتهم مع بعض من
الصندوق، انسحب التلات شباب بالصندوق بسرعة، والسيدتين

قاموا جري ناحيتي، وكل واحدة مسكت إيد من إيديا وما
خدوهوش !

حارس العين: اديهم الخنجر... لازم أنت إللي تديهم الخناجر
مش هم إللي ياخدوها.

مديت إيديا بالخناجر ليهم، وأخدوها وأنا رجعت لورا بسرعة
عشان نافورة الدم بتاعة المرة إللي فاتت ما تغرقنيش تاني !

وبدأت أشوف مشهد من فيلم من أفلام ما قبل الميلاد!
الاثنين كانوا بيزمجدوا بأصوات زي الحيوانات وبيلفوا حوالين
بعض !!

حارس العين:
تعاقدتكم - تمنيتكم - تحقق لكم
الآن تسلمونا أرواحكم

خلود بلا عبودية
تعاقدتكم - تمنيتكم - تتحقق لكم
الآن تسلمونا أرواحكم
خلود بلا عبودية

فضلوا يهوشوا بالخناجر على بعض بدون ما يجرحوا حتى
بعض ..

صرخ حارس العين: الآن!

قاموا وقفوا الاثنين باستقامة وقربوا من بعض جدًا الحد ما بقت
وشو شهم مقابلة لبعض، ونظراتهم الحادة متبادلة بينهم، وفي نفس
اللحظة رفعوا الاثنين الخناجر زي الآلات، وكل واحدة غرست
الخنجر في رقبة الثانية، غرسته لآخره لحد ما خرج من الناحية
الثانية.. وقعوا الاثنين في الأرض زي دبائح العيد وانفجر بحر الدم
في المكان وفضلوا يتفضضوا الدقائق قليلة قبل أن يموتوا تماماً!

سحب شاب من التلاتة الخناجر من رقبة الجثث ووضعوهم
ومسحوهم في الصندوق المستدير وبدأ المحفل ينتهي فقلت
لحارس العين:

- فين السؤال بتاعك؟

حارس العين: أي سؤال؟

- فين أمنيتي الجديدة؟

حارس العين: اتنفذت بالفعل!

نادر: نعم هي إيه اللي اتنفذت؟! أنا مطلبتش حاجة!

حارس العين: لا طلب.

نادر: بقولك ما طلبتش.. طب أنا طلبت إيه؟

حارس العين:

- ما تقلقيش يا (زهرة).. أنا ناوي الطلب الجاي في المحفل
الجاي أطلب حل للموضوع ده أو أتعجل بنهايته..

مشه ده کلامک یا (نادر)؟!!

نادر: ومال ده بکلامی مع (زهرة)؟!

حارس العين:

- أعرفك يا (نادر) باللي أنت ساهمت في خلاصهم.. والدة (زهرة) وجارتها.. لقد طلبت ونويت ونحن نفذنا وكافأناك بالتنفيذ! أنا اتشليت مكانى..

نادر: بس أنتم كده كتنتم هتموتوا، ده محفلها الأخير!

حارس العين: كان لسه بدرى عليها، دي ما طلبتش غير طلبين..
موت زوجها وعشيقته، لكن (حکمت) كان دورها فعلاً الأقرب.

نادر: انتم کده بتتلاعبوا و بتغشو!

حارس العين: وانت قلت أن ده هيكون طلبي في المحف
الجاي.

العين الثالثة

حارس العين: انتهى المحفل الثالث، انتظر منا الرسالة القادمة
للمحفل الرابع !

مشيت أكلم نفسي في الشوارع:

- وبعدين يا (نادر)؟!

وآخرتها إيه؟

كل مرة بتغرس معاهم أكثر

كل مرة بتساعد في جرائم أكثر

كفاية يا (نادر)

انسحب

اهرب

- طب أهرب إزاي؟

هم دول هيسيبونني؟

دول تنظيم من الجحيم ولو فكرت أنسحب هحصل كل الدبائح
دي.. أنا دخلت دائرة جهنم برجليا!

يا رب ألهمني أخلص منها إزاي يا رب.

الفصل الحادى عشر

المحفل الرابع

روحت البيت، فتحت الكمبيوتر بتأملي ولاقيت المتوقع

رسالة من (زهرة):

- (نادر) أنا حاسة أن في مصيبة هتحصل

(حكمت) وما ما ييدبرو المصيبة

لقاءاتهم بقت مريبة أكثر

لبسهم بقا غريب بيلبسو حاجات كأنهم رايحين حفلة تنكرية!

خرجوا من الصبح وما ما دخلت قالت لي:

- لو رجعت كل حاجة هتبقى أحسن ولو ما رجعتش ما تقوليش
عليا أنانية، أنا مش عارفه إللي جاي إيه، ومتسألنيش عن تفاصيل ...

العنوان الثالث

وسابتي ومشيت وبصيت من الشباك لقيت (حكمت) موقفة
تاكسي تحت ومستنياها وواحدة معاها شنطة فيها لبسهم الغريب.

يا (نادر) لو وصلت لأي معلومات فهمني ...

أنا خايفه ماما كمان تروح وتسيني !

أنت لو معرفتنيش اللي بيحصل هتبقى خذلتني ..

أنا كتبت بوست وهنزله على الفيسبوك الليلة (3 الفجر) لو ما
بعتلыш إيه إللي حصل وهفضمهم كلهم وهقول كل حاجة !

فجأة موبايلي رن الرنة الملعونة، بصيت عليها شويه وماردتش ..

رن تاني بردو ماردتش ..

اتحولت شاشة الموبايل لصورة من كاميرا مراقبة وإذا بها تدخل
أوضة، الدنيا مضلمة جدًا فيها إلا من نور خافت جدًا ... بس المرة
دي مش أنا.. لأن في حد نايم على السرير، الصورة قربت منه
بهدوء شديد، بعد ما الصورة بدأت تتجلو في أركان الأوضة، من
كل ركن ظهرت كائنات صغيرة شبه القنافذ بالظبط بتتحرك ببطء
شديد، كانوا بيتحركوا من كل ركن ناحية السرير الوحيد الموجود
في نفس الأوضة ..

رجعت الصورة للسرير تاني والغطا أتشد بيطل من على
الشخص المتغطى ونایم، ضلام الصورة خلانی مش عارف أشوف
ملامح الشخص ...

فجأة الأوضة كلها نورت وشوفت الشخص:

أيوه شوفته ..

دي أمي !!!

أمی لـ.... أمی لـ!

كانت نايمه في سكينة وعلى وشها تعbirات الرضا المعتادة
بتاعة أمهاتنا ...

رجعت الصورة للقنافذ البطيئة، كانت بتتحرك زي ما هي ناحية
السرير لكنها بدأت تكبر تدريجيًّا ... أحجامها اتبذلت لأحجام أද
القطط، وكبرت أكثر لحد ما بقت أද الكلاب، وما وقفتش عند
كده، دي كبرت لحد ما بقت عباره عن كور من الشوك كبيرة كلها
متداخلة في بعضها وكونت حاجة أشبه بسور من الشوك الضخم
محيط بسرير أمي ..

الصورة اتحركت وجابت المشهد من فوق !

العنين الثالثة

أمي نايمة على السرير وحواليها شوك عملاق متداخل بيتحرك
بيطء مخيف ناحيتها.

ارتفاع سور كان واصل للسقف، وأنا عمال أصرخ:

- أمي لا

أمي لا.

في اللحظة دي أمي صحيت وبصت حواليها شافت المنظر..
قامت قعدت، أنا شايفها بس مش سامعها، قامت وقعدت على
السرير تبص يمين وشمال ومش لاقية أي مخرج لها!
استسلمت للأمر الواقع وقعدت على السرير وخبت راسها بين
رجليها..

فضلت أنا أقول: خلاص هرد هرد..

هرد هعمل إللي عاوزينه، اطلبوني تاني..

هرد هرد.

بس مفيش فايدة ولا حاجة وقفت..

فضل سور الشوك يقرب يقرب من أمي..

وأنا رميت الموبايل بعيد، مش عاوز أشوف المنظر ده وحتى لو
كان مجرد..

تهديد ليَا عشان أعرف العقاب!

لقيت شاشـه الكمبيوتر نورت قدامي لوحدها وجابت اللي
بيحصل عند أمي، قعدت على الكرسي ومديت إيدي أطفيها ما
تطفتش ...

بعدها إيدي اتشلت وجمـي لـزـق في الكرـسـي، غـمـضـت عـيـنـيـا ...

العين الثالثة نقلت المشهد أكثر ووضـح !

- ارحمونـي ارحمـونـي.

- أمـي لأـيـا ولـادـالـ... ... أمـي لأـيـا ولـادـالـ... ...

الشوـك طـبـق عـلـى أمـي مـن كـل الـاتـجـاهـات قدام عـيـنـيـا واختـرـقـ
جـسـمـهـاـ كـلـهـ وـكـمـلـ دـخـولـ لـحدـ ماـ تـدـاخـلـ كـلـهـ فـيـ بـعـضـهـ منـ جـمـيـعـ
الـجـهـاتـ واختـفـتـ أمـيـ جـواـهـ ..

فتحـتـ عـيـنـيـاـ وـصـرـخـتـ وـالـدـمـوـعـ انـفـجـرـتـ منـيـ خـوـفـاـ عـلـىـ أمـيـ
ورـعـبـ منـ بشـاعـةـ إـلـيـ شـوـفـتـهـ، وـبـدـأـتـ الأـشـوـاكـ تـتـبـاعـدـ عنـ بـعـضـهـاـ
وـمـفـيـشـ عـلـىـ السـرـيرـ غـيـرـ بـحـرـ منـ الدـمـ وـخـصـلـاتـ شـعـرـ وـجـلـاـيـةـ أمـيـ
مـتـقـطـعـةـ وـأـشـلـاءـ مـتـنـاثـرـةـ عـلـىـ السـرـيرـ ...

وفـضـلـتـ الأـشـوـاكـ تـتـبـاعـدـ وـرـجـعـتـ تصـغـرـ تصـغـرـ

لحد ما رجعت لأشكال القنافذ من تاني

واختفت جوا الأركان.....

فضلت اعيط وإيديا بترعش بعد ما الفيديو قفل وانا

بطلع رقم أمي، واتصلت بها:

والدة (نادر): أيوه يا حبيبي، ازيك.

نادر: ماما انتي كويسيه؟

والدة (نادر): الحمد لله في نعمة يا ابني، مال صوتك؟

(نادر) انفجر باكيًا: الحمد لله.. الحمد لله.

والدة (نادر): مالك يا حبيبي، في إيه؟

نادر محاولاً أن يتماسك: لا أصل حلمت حلم وحش أوي يا
ماما.. كابوس.

والدة (نادر): تلاقيك كلت ونمط علطول، أنا كويسيه وزعي الفل
يا حبيبي.

نادر: و(أمنية) يا ماما.

والدة (نادر): قاعدة قدام التليفزيون كالعادة يا خويا، ما بتقومش من قدامه.

نادر: بس يا ماما انتي إيه إللي مسهرك لدلو قتي؟

والدة نادر: والله يا ابني ما عارفه أقولك إيه.

نادر: فيه إيه يا ماما؟ ما تقلقنيش!

والدة (نادر): كنت نايمة من يجي ساعتين، صحيت على شكة في رجلي، تخيل لقيت إيه؟ قنفر على السرير!

معرفش يا ابني دخل البيت إزاي وطلع على السرير إزاي!

شيلته بالبطانية ورميته برا البيت!

ومن وقتها وأنا قلقت ومش عارفة أنام خالص، فكنت قاعدة أعملك بلوفر صوف يدفيك في البرد...

وماما بتتكلّم الموبايل رن الرنة الرهيبة وإللي ملهاش علاقة بالتليفون مشغول ولا لا!

ضغطت على زرار قبول المكالمة:

المحفل الرابع

الزمان: خلال ساعة من الآن.

العين الثالثة

المكان: قصر البارون الطابق الثالث.

تحذير:

إذا لم يتم المحفل أو تخلفت عن الحضور

سيتحقق العقاب !!

طلعت من البيت أجري لنفس مكان اللعنات (قصر البارون)
وبنفس السيناريو، وصلت وطلعت الدور الثالث وفتحولي دخلت
لاقيت نفس الحضور ..

الثلاثه الصامتون وخلفهم المسوخ الثلاثة

وحارس العين

وكرسي مُعد لي للجلوس عليه ..

قعدت على الكرسي

حارس العين وبابتسامة شيطانية:

- انت إللي اضطرتنا نعمل كده وأنت أتأكدت بنفسك أن الوالدة
بخير.

نادر: وآخرتها؟

حارس العين: ملهاش آخر، أنت بقيت فرد من الكيان، عليك تنفيذ أوامر المحافل تباعاً وفي المقابل تحصل على كل ما تريده تباعاً!

وفي النهاية تصبح أحد المؤسسين الجدد.

نادر: مين دول؟

حارس العين:

- بامتثال كل راغبي المعرفة لأوامر المحافل، في النهاية يصبحون من المؤسسين الجدد وتصل لمرحلة الحكم والمداولات فقط وتكون مستشاراً للعين من ضمنآلاف مستشارينها من كل العالم.

نادر: وده امتهي بقا؟!

حارس العين: بعد اكتمالآلاف المحافل.

نادر: آلاف!!!!

حارس العين: الوصول للمؤسسين الجدد يستحق السعي والمخاطرة.

نادر: هتموتوا كام حد النهارده... عشرة؟

حارس العين: واحدة.. هي واحدة وموتها النهارده عقاب مش
اكتمال محافل الطمع.

ودخل الشباب الثلاثة ببنت في العشرين من عمرها وحاطين
على بوقها لزقة

كانت بتبعص لي باستغاثة

نادر بتهكم: اشمعنى دي قافلين بوقها هتطلعوا لها بوق تاني؟!!

وليه دي خايفة ومش عاوزه تموت زي اللي فاتوا؟

حارس العين: عشان دي رفضت الانضمام وما اكتفتش بده..
حاولت كشف الستر عن الكيان!

نادر: أنا مش هموت حد!

حارس العين: ما تقلقش أنت هتموتها بشكل غير مباشر زي
إلي فاتوا..

اقرأ عليها بيان القصاص يا (نادر).

وشاب من الثلاثة اداني لفافة من ورق قديم، فرددتها وبدأت
أقرأ..

وجابوا البنت قدامي وأنا بقرأ:

مثلكما تقدر محالفنا المتنمرين لها
فإنها تغضب كل الغضب على كل من يرفضها
وتعلن سخطها التام وتتوعد كل من يحاول أن يتحدث عنا بظلمٍ
وبهتان

والمتهمة المائلة أمامكم هي المدعوة (نسرين بنت أحمد
البرديسي) ..

فعلت كل ما يخالف المحفل الأعظم ويحق عليها أن تتلقى العقاب، وبصفتي أحد العارفين وأحد المؤسسين الجدد في المستقبل، فأنا أحكم عليها وبرعاية (إيليس) العظيم بالعقاب الذي تراه هيئة المحفل مناسباً لما ارتكبت ..

وفضلت البنت تبص لي وتهز راسها وتصرخ صرخات مكتومة تحت اللزقة إللي على بوقها وعينيها منفجرة بالدموع.

نادر: طيب أنا ممكن أطلب مكافأة قبل تنفيذ الحكم عليها؟

حارس العين: لك ذلك!

نادر: العفو عنها.

حارس العين: ليس لدينا عفو عن الواشين، لكن لدينا تخفيف
أحكام.

نادر: موافق.. خففوا الحكم.

حارس العين: دي مكافأتك متأكد، عشان ما ترجععش تقول
بنخد عك؟

نادر: موافق.. موافق.

حارس العين: اتل عليها بيان تخفيف الحكم.

ببس على الورقة لقيت كلام اتغير وبدأت أقرأ:

قررت أنا أحد المؤسسين الجدد في المستقبل وتحت إشراف
المحفل الأعظم وبرعاية (إبليس) العظيم؛ أن نخفف الحكم عن...
المذنبة (نسرين بنت أحمد البرديسي).

خلصت الورقة... لقيت رأس البنت بتجري قدامي على
الأرض.. واللزق وقعت ولسانها خرج برا بوقها وجسمها مرمي
على الأرض!!

نادر صارخاً: هو ده تخفيف الحكم؟!!

حارس العين: طبعاً ده قتل رحيم، الحكم كان الأول تعذيب حتى الموت.

وانا خارج لاقيت رسالة جت لي من رقم (زهرة) الرسالة كانت متعلقة بسبب الشبكة:

”نادر.. أنا (زهرة اللوتس) أنا برا البيت وحاسه إن في مصيبة هتحصل..

لو اخترت هات لي حقي، أنا اسمى الحقيقي:

نسرين عبد الله البرديسي !!

صرخت: لأن.. لأن!!

انتم بتموتوا الناس إللي أنا أعرفها كلها بدم بارد!

ذنبها إيه؟! مش كفاية أبوها وأمها!

حارس العين:

- أبوها أمها موته

أمها أنت موتها!

هي أنت بردو موتها!

العين الثالثة

احنا ما بنمتوش حد!

الموت نسيبي جدًا لاستمرار كيانا.

نادر: الماسونية الملعونة.

حارس العين: بردو مصمم؟ دول أغراضهم سياسية في المقام الأول، احنا أكبر من أي كيان قريت عنه طول عمرك، احنا أغراضنا أعمق بكثير.

نادر: لا أنتم... أنا متأكد.

حارس العين: مش هتفرق كتير..

(نسرين) بالمناسبة طلبت الانضمام واتصلنا بها وماردتش وانسحبت وتم العفو عنها لأنها كانت في بداية الأمر وما حضرتش أي محفل..

لكن رسالتها الأخيرة ليك وتهديدها بالكلام عن الكيان...

عقابه هو نهايتها، وخففنا شكل النهاية مكافأة لك.

نادر: أنا مش عاوز أكمل.

حارس العين ضاحكًا: اتأخرت كتير.

نادر: لا أنا من الأول اتقال لي عدم الرد وعدم التنفيذ معناه الانسحاب.

حارس العين: ويتبعه العقاب وانت تعمقت والانسحاب لم يعد اختياري.

نادر: انتم إيه؟!

حارس العين: احنا الكيان العظيم.

نادر: هنسحب.

حارس العين: لك ذلك... ولك منا العقاب.

نادر: آه هتموتولي أمي وأختي ومين تاني؟

حارس العين: احنا ما بنعاقبش أطراف غير معنية، أنت شريكنا في المحفل وأنت من كافأناه...

إذاً أنت من تعاقب.

نادر: ما انتم كنتوا هتموتوا أمي!

حارس العين: ده إنذار ليك لحضور المحفل..

صدقني أنت هترجانا إن العقاب يكون فعلًا لأهلك وأنك تفلت من العقاب.

العين الثالثة

نادر: أنا منسحب.

حارس العين: انتهى المحفل الرابع..

انتظر منا رسالة جديدة.

فتحت الباب وخرجت ورزعته ورايايا!!!

مشيت في الشوارع أكلم نفسي

هو إيه يا (نادر) الحكاية؟

هو أنت كده مبسوط؟!

هو ده إللي أنت عاوزه؟

هي بدأت بتحقيقات وشوية كلام..

وتطورت لأبواب دجالين ومشعوذين!

وفجأة أنت بقىت طرف في كل حاجة!!

بقىت رفيق الجن!

بتحب الموت!

القبور مكانك المفضل!

أصدقاوك هم الموتى!!

ما كفاكش كل ده يا (نادر)؟!
قتل..... قتل يا (نادر)!!!!
او عاك تقول ما ليش دعوة!
دول كلمتين تضحك بيهم على زمايلك في المكتب
لكن على إللي بيتابعوك لا!
على نفسك لا!
على إللي خلقك لا لا لا
فوق يا (نادر)
متخليش شغفك بالنجاح وأنك تفضل في الصدارة، يعميك كل
مرة عن الحقيقة..

فرووووق
فوق قبل فوات الأوان!
- طب أعمل إيه؟!
ما هم مراقبين كل حاجة
ولو عملت أي حاجة، حارس العين هيجي حرفياً يوريني
الجحيم
يارب قويوني يارب.

الفصل الثاني عشر

إنذار المنشق

تليفوني رن، بصيت لقيت مكتوب:

إذاً فقد اتخذت قرارك

ونحن أيضاً اتخذنا قرارنا

لقد وجدنا أنك منشق عن المحفل الأعظم

فجأة كل حاجة ضللت

كل عمدان الشارع طفت أنوارها

كل العربيات اختفت

ظلام رهيب

وصوت جاي من ورايا

اتلفت وبصيت ورايا لقيت تلات كلاب سو وود حجمهم ضخم
ولهم تلات عيون وأسنانهم ضخمة، والتلاتة واقفين ويستعدوا
للانقضاض عليا من غير تفكير، طلعت أجري وأنا مش شايف
قدامي ومن بعيد شوفت نور خافت بيقرب، حسيت بألم رهيب
في رجلي من تحت، إما أحد الكلاب غرس أنيابه في رجلي ومع
غرسه حسيت بفوران حرفيًا في نافوخني وشوفت قدامي جهنم
وفيها نفس المجلس بالكامل ومعاهم إبليس وسمعتهم بيقولوا:
نحن على العهد.

وشوفت ناس متعلقة جوا قفص بالمقلوب !

متعلقين من رجلיהם والكلاب دي تحتهم عمالة بعض فيهم
ويحاولوا يرفعوا أجسامهم بعيد عنهم لكن بالوقت قدرروا يصلوا
لهم وقطعوهم، كان منهم (نسرين) ووالدتها و(زاهر) و(حكمت)
وناس كتير غيرهم ما عرفهمش

فوقت لقتني لسه بجري ناحية الضوء البعيد، وإذا بالكلب الثاني
بيغضبني من رجلي الثانية، فتبديل المشهد وشوفت أشكال نورانية
لها أجنحة وأشكال أخرى عبارة عن وحوش مخيفة لها قرون،
كانت الكائنات النورانية بتجري وراها ومجرد ما توصل لأي

وحش منهم بيضربو الأرض بجناحتهم من تحتهم، فستفتح الأرض
ويغوص الوحوش فيها وتتغلل عليهم..

وتستمر المطاردات من الكائنات النورانية للوحوش..

فوق تاني وأنا لسه بجري لقتني قربت جدًا من النور، لكن الكلب الثالث عضني عضة رهيبة، نط على ضهري ووصل لكتفي وعضني ونزل وأنا بدأت أفقد القدرة على الجري ووقيت على الأرض، وتبدل المشهد لقيت حاجة زي كهف بداخله عدد من الشياطين دول ومرسوم داخل الكهف عين كبيرة وكلهم بيسجدوا قدامها في نظام وتناسق مهيب!

فإذا بالعين دي تكبر وتحول لتصبح عين مخيفة مفزعـة،
وسمعت صوت يتردد:

من اليوم تشكل كياننا
من اليوم تبدأ المحافل في الانعقاد
من اليوم نحن أعداؤه والبشر خادمون لمحافلنا
كده انا شوفت صور من بداية تكوين هذا الكيان الشيطاني !

العين الثالثة

لما فوقت لقتنى على الأرض بزحف الكلاب كانت بتزقنى
عشان أوصل المكان المضيء اللي كان عبارة عن كونتينر من إللي
بيتحملوا على السفن، لونه أسود ومتعلق على بابه لمبة صغيرة هي
إللي جابتني..

تحاملت على نفسي ووقفت لأنى شوفت مقبض للباب فخبطت
واتفتح الباب ..

دخلت واتقفل الباب ورايا ..

المكان عبارة عن غرفة مربعة منها ثلاثة حوائط، كل حيطة عليها
عين في منتصفها نفس العين وحوالين منها وجوه لناس بتصرخ
وصناديق مفتوحة وخارج منها مئات الخناجر!

ورسمة للثلاث رجال وخلفهم المسوخ الثلاثة بتوع جلسات
المحفل.

أما عن الحيطة الرابعة؛ كان فيها باب خشبي قديم.. قاومت
الألم ورحت للباب لقيت له مقبض فتحته ودخلت ومجرد ما
دخلت الباب اتقفل ورايا ...

وما كانش له مقبض من الناحية الثانية، لقيت ترابيزة عليها
لزقتين أخذتهم تلقائي حطيتهم على عينيا.. بدأت إضاءة الأوضة

تحول للون الأزرق والحيطان بيتكتب عليها نقوش ورموز بلغة
غير مفهومة في الأول، ولكنني لقتنى عارف أترجمها:

عقاب العارفين المنشقين

التحذيرات المتتابعة كي يعودوا الرشد هم....

فإن عادوا فهو خير لهم

وإن لم يعودوا، فلا يلوموا إلا أنفسهم

أيها العارف، أنت ما زلت في مراحل التحذير والإندار.

بدأت الكتابات تحول لصور جعارين كتير، إللي بنقول عليها
خنافس، والصور كترت جدًا واتحركت بسرعة لتحت وكأنها
بتنزل من على الحيطه وب مجرد ما نزلت للأرض تحولت لجعارين
حقيقة سوداء اللون، حجم الواحد منها أكبر من الصرصار (3)
مرات واتكست الأرض بيهم، كانوا عارفين طريقهم كلهم ...
طريقهم ناحيتي أنا !!

ملحقتش أتحرك، طلعوا على كل جسمي وأنا عمال أقول:

- ده مش حقيقي

ده مش حقيقي.

العين الثالثة

لحد ما حسيت بأول عضة منهم ..

كانت العضة الأولى ووراها آلاف العضات.

كهربا ضربت في جسمي كله ..

ووصلوا لوداني ودخلوا فيها وحسست بوداني بتمزق وروحى
بتطلع معاهما، صرخت بكل ما أوتيت من قوة ومع صرخاتي دخلوا
أفواج لبوقى، وحسست بيها بتخترق زوري ومنه لأحشائى ..

وإذا بباب يفتح من جديد !!

زحفت بمعاناة رهيبة ناحية الباب، والجعارين خلاص بتخلص
على ما تبقى من

جسمي ...

كملت زحف ودخلت من الباب، وبمجرد ما دخلت لقيت
الجعارين قطعت بطني وخرجت كلها من فتحة من بطني وهرروا
من الأوضة ورجعوا للأوضة الزرقاء ..

دم كتير خارج من كل حلة مني وغيبوبة بتهاجمني بعنف،
استسلمت لها في النهاية، وأخر حاجة وقعت عيني عليها كانت
العين الملعونة !

لما فوقت من الإغماء كنت في أوضة أصغر بكثير من اللي
فاتوا، إضاءتها عادية، مفيهاش حاجة مختلفة غير العين مرسمة
آلاف المرات على الحيطان الثلاثة، والباب المرة دي صغير جدًا
يكفي لدخولني منه زاحف!!

الألم في كل أنحاء جسمي وأثار عضات الجعارين واضح من
خلال هدومي
المقطعة...

أما مكان خروجهم من بطني، فيادوب شكله لسه متوقف عن
النزيف من دقائق!

مكان كل عين على الحيطة تجسد وتحولت العين لكاين كامل
مماثل لحارس العين

تجسد حرفياً منه المئات وبدأو يخرجوا من الحيطان كلهم وكل
واحد منهم معاه صولجان، كان بيخبطوا به على الأرض مع بعض
في نفس اللحظة خلت الأوضة يضربها زلزال رهيب..

الأرض بدأت تميل يمين وشمال وأنا أتقلب معها وهم ثابتين
مكаниم وبيكملوا خبط على الأرض بالصولجانات الذهب إللي
معاهم..

مع تقلبي كنت بتخبط في أركان الأوضة يمين وشمال، كل
ما أوصل لجنب الباقي طالع منه رماح نصلها حاد جدًا، جسمي
يتخبط فيها وتكمل تقطيع فيما تبقى من جسمي.

أروح للناحية الثانية يتكرر نفس الأمر....

وتوقفت الأرض عن الاهتزاز!

فرحت ناحية الباب الصغير، فتحته ونمط على بطني ودخلت
منه زاحف، لاقت حاجة بتشدني من رجليا، بصيت ورايا لاقت
الأوضة ورايا مضلمة تماماً لكن فيه إيدين بتشدني وصرخات قتالية
جايه من جوا، صرخات صوتها حاد لا يتحمل!

ضربتهم برجليا لورا وأنا مش عارف دول إيه، فضلت أضرب
أضرب..

لحد ما اتخلصت منهم..

ودخلت الأوضة إللي بعدها..

وإللي مكانتش أوضة... أنساب تعbir لها أنها صندوق خشب
على مقاسى!

مجرد ما اتفقل الباب ورايا تحول الصندوق لتابوت، أيوه هو
تابوت...

قلت لنفسي : كل ده وهم أنا عارف ..
كل الألم ده، كل إللي أنا شوفته وهم ..
أنا متأكد..

رن الموبايل الرنة البشعة اللي بكرهها وبيغضها، طلعته من
جيبي بصعوبة ومديت إيدي قدامي وبصيت وفتحت المكالمة:
انتهت الإنذارات
الآن تبدأ العقوبات للعارف المنافق.

الفصل الثالث عشر عقاب العارف - المحقق الناشر

انتهت الإنذارات

الآن تبدأ العقوبات للعارف المنشق.

سمعت صوت تكسير في التابوت من فوق وافتتحت فتحة بسيطة ولقيت عين واحدة بتبصر لي بشر رهيب... عين أنا عارفها كويس، بعدها التابوت اتشال واتجرجر بيا على الأرض، سمعت صوت صندوق عربية بيتفتح، والتابوت اتشال وغالباً اتحط بيا في صندوق العربية واتقفل من بعدها..

والعربية اتحركت !!

طلعت الموبايل وبدأت أكتب رسالة طويلة على البريد الإلكتروني بتاعي، بحاول أنسى بيها إللي بمر به، رسالة لما أخلصها هقرها لكم بعدين !

لو في العمر بقية..

الألم يجتاح كل أنحاء جسمي ورغبة ملحة في الموت بتسسيطر
عليها، ودعواتي أصحى من النوم ألاقي كل ده كان مجرد كابوس
مش أكثر، حسيت أن العربية وقفت، الصندوق اتشال اترزع في
الأرض واتجرجر تاني على الأرض وبعدها على سلم، وسمعت
خطوات كتير.. بعدها صمت تام !!

الصندوق اترفع ووقفوه وأنا فيه !

وأنا شايف من الفتحه إللي بيحصل:

المشهد إللي كان مش غريب عليا خالص... محفل جديد..

المحفل الخامس عقد وأنا في التابوت وشايف من الفتحة
الثلاث شباب جايين ومعاهم بنت وادوها حاجة بدأت ترش منها
على التابوت !

ده..... ده..... بنزين !

وسمعت حارس العين بيقول:

المحفل الخامس عقاباً لك يا (نادر)..

انت انشقيت واتحضرت ولكنك خذلت العين، اليوم هو محفلك
العقابي وهو نفسه
المحفل الأول لضيفٍ جديد..

نادر: مابقتش فارقة، يالا عود كبريت وارتاحوا مني.

حارس العين: لأ مش هنولهالك سهل كده، مش تعرف المحفل
ده الأول لمين؟

اتشال اللوح الخشب بالكامل من قدامي، وشوفت كل المشاهد
متكررة وشوفت بنت من ضهرها وشعرها الأسود مغطي كل
ضهرها واتلفت لي..

وكانَتْ أَكْبَرْ صَدْمَةً فِي عُمْرِي !
(هالة)!!!!!!

حارس العين: رحب بضيفتنا الجديدة.

نادر صارخاً: (هالة) اوعي تسمعي كلامهم، هيخلوكي تع ملي
كل اللي عاوزينه وفي الآخر هتبقي مكانني... دول أبالسة ملهمش
عهد... أنا كنت مكانك هنا من أيام!!

(هالة) بابتسامة باهتهة: دول هيرجعولي بابا يا (نادر).

العين الثالثة

نادر: كدب.. أبو كي مات، مفيش في إيديهم يرجعوا لأموات..
ما تصدق عليهم يا (هالة).

(هالة) بغضب: بقولك هيرجعوا بابا... إللي أنت قتلتـ !

نادر: لأنـ ما قتلتـ.

هالة: أنا افتكـرت كل حاجة وشوفـت كل حاجة.

نادر: وأنا رجـعتـك يا (هالة).

هالة: رجـعني عـشـان كـعادـتك أناـني بـتـدورـ علىـ نفسـكـ.

نادر: (هالة) أنا ما قـتـلتـ.


هو إلـي طـلبـ يـنزلـ لـكـ تـحـتـ الأرضـ

هو إلـي طـلبـ..

أـنا مـالـيـش ذـنبـ..

هـالة: لـأـ، هـمـ وـرـونـيـ أـنـكـ كـنـتـ عـارـفـ أـنـهـ هـيمـوتـ.

نـادرـ: كـدبـ.. أـقـسـمـ لـكـ كـدبـ!



هالة: أبويا هيرجع ودي المكافأة الأولى، ولا بد من تنفيذ
شروط المحفل الأول لحصولي على المكافأة، للدرجة دي أنت
خايف من الموت أوي كده؟

نادر: أنا خايف عليكي... افهمي بقا.

حارس العين: اقرأي المحفل الأول يا (هالة).

(هالة) أخذت الورقة وقرأت:

بعدما تعاهد الطرفان على تنفيذ العارف لمطالب كل المحافل
و حصوله على كافة مكافآته، تفاجأنا بخيانة العارف!

العارف انشق..

العارف خان..

العارف تم تنبيهه..

العارف تم تحذيره..

العارف لم يستجب..

العارف يعاقب..

العارف يفنى!

العنوان الثالث

نادر: يا (هالة) قالولك إيه لما جم يضموك ليهم ومين إللي
رشحك؟!

هالة: محدش رشحني... أنا بعتولي ورحت وعرفت كل حاجة.

نادر: طب هتكلمي معاهم لحد إيه؟

هالة: ولا حاجة، أبويا هيرجع وخلاص!

نادر: كدب... كدابين!

دول جايبينك بس عشان يكون أبغض انتقام مني، انتي مجرد
وسيلة وهيحولوكى لحاجة اسمها الطامعين واهتمامى زي إللي
ماتوا قبلك قدام عينيا.

هالة: أنت قتلت أبويا...

هو هيرجع وأنت تروح مكانه.. بسيطة اهيه.

نادر: انتي فاكرة أي حاجة لما كنتي تحت الأرض؟

هالة: مش فاكرة ومش عارفة غير ان لازم أبويا يرجع لي، أبويا
إللي أنت خدعته وكنت السبب في نهايته المأساوية!

(للتفاصيل يرجى العودة لرواية النعش الملعون)

الثلاث شباب حطوا الغطا الخشب عليا من جديد!!

حارس العين ساخراً: (نادر) احنا عارفين إنك ليك سابق تجربة
مع الدفن حي..

وها نحن في المجلس الأعظم قررنا أن تدفن حياً من جديد.
نادر: لا... لا يا (هالة)... بلاش تبقي انتي السبب لأ... أنا
رجعتك!

بلاش أكون رجعتك بإيدي عشان تدفيني انتي بإيدك!
الصندوق اتزق بعنف على الأرض، دماغي اتختبط ودوخت
ويقت كل حاجة حواليا سامعها بتحصل من بعيد زي صدى
الصوت.

انتقلت في عربية من تاني ومشيووا شويه ووقفوا في مكان
ونزلوني، وسمعت حوار بيدور بين (هالة) وصوت ماعرفوش:
صوت مجهول: حمدًا لله على سلامتك يا أستاذة.

هالة: شكرًا يا عم (مصباح).

صوت المدعي (مصباح): هي دي الأمانة؟

هالة: أيوه مش هو صيك بقا.

مصابح: إزاي ده.. ده انتي متوصي عليكي من أكبر الأعيان بتوع المحفل ووعدوني أني لو نفذت طلبك، العمارة إللي ساكن فيها كلها هتبقى بتاعتي.

هالة: طب يا عم (مصابح) انت فاهم هتعمل إيه؟

مصابح: فاهم طبعاً هرمي الصندوق بالملعون إللي جواه في تربة مهجورة بعد ما تمشي انت علطول... بس بالحق هو قتل ألفبني آدم؟

هالة: أكثر أكثر.. ده قتل واحد بمليون واحد من عينته!

مصابح: والله يبقى حلال فيه الحرق مش الدفن.

هالة: طب هتدفن التابوت امتى؟

مصابح: مسافة ما (رجب) ينام هدخل أسرق منه المفتاح بتاع الترب وهفتح التربة بعيدة وهرميه فيها الليلة، أصل (رجب) مش مآمني!

هالة: طب خلي بالك يا عم (مصابح) هو هيقدر يتمسكن لك ويعيط ويقولك أنه مظلوم عشان تخرجه.

مصابح: لاً طبعاً يا أستاذنا.

هالة: ع العموم أنا بنبهك انه لو خرج مش هيسيب فيك حته
سليمة.

كنت عاوز أتكلم واصرخ لكن الخبرطة اللي وآخذها على دماغي
مخلياني مش قادر أنطق !!

ومشيت (هالة) وقبل ما تمشي بصت لي من الفتحة بعينها
وقالت لي:

- سلام يا (نادر) هبقى أقرأ لك الفاتحة!

الفصل الرابع عشر

عذاب القبر

ناديت على (مصبح)

نادر بعد مرور نصف ساعة، نطق بصعوبة: عم (مصبح) أقسم
لـك أني بريء.

مصبح: بس يا مجرم، يا كلب، اخرس.

نادر: والله العظيم بريء.

مصبح: مش قلنا اخرس، أقولك أنا هشغل الراديو، وأعلى
الصوت عشان مسمعش صوتك العكر ده، وقام مشغل إذاعة القرآن
الكريم وسمعت الآية العظيمة: "ويمكرون ويمكر الله والله خير
الماكرين"

وكمال الشيخ قراءة القرآن..

وأنا الآية خبطتني في عقلي وكل جوارحي

طلعت موبايلي وطلبت (ساندرا)

فردت عليها، كلمتها بالراحة، قلت لها: (ساندرا).. سامعاني؟

ساندرا: أيوه يا مستر (نادر) صوت حضرتك بعيد أوي وجنب
حضرتك صوت قرآن عالي، ممكن تعلّي صوتك شويه؟

نادر: يا (ساندرا)..

مالحقتش أخلص الكلمة، الموبايل سخن في إيدي جدّاً زي ما
يكون بيولع والمكالمة اتقطعت، فتحت بسرعة قائمة البريد!!

الموبايل بدأ حرفياً يولع ولقيت مكتوب على الشاشة:

”لقد انتهيت أيها العارف المنشق.“

شاشة الموبايل اسودت والموبايل كله اتغلل تماماً، حاولت
أشغله أكثر من مرة، مفيش أمل !!

رجعت أنادي على (مصباح) وأستحلفه بالله وبكل غالٍ عنده،
لكن واضح إن العمارة أهم بكثير من أنه يفكر يسمع شخص مظلوم
ولو للحظات..

من الألم الرهيب غبت عن الوعي دقايق وفوقت على خبطة
على التابوت، بيص لقيت عين بتبعص لي من الخشب وصوت
(مصباح):

هنيالك يا عُم، هتدفن أهُو حَالًا، بص بقالو ملکين العذاب
طلعولك ابقي قولهم أنا لسه مموتش... النمرة غلط.

وفضل يضحك!

وسمعت صوت المفاتيح، واضح أنه خلاص جابها وشد
التابوت على الأرض لحد ما وصلنا لمكان ووقف، وسمعت
محاولات المفاتيح واحد ورا الثاني بالترتيب لاختراق قفل التربة..
لحد ما فاز واحد منهم وافتتحت التربة وشميت ريحة هجمت
عليها، رائحة الموت وكحبت كثيرة..

(مصباح) قالـي: معلش في الأول كده، كمان شوية هنركب لك
تكييف وتعود يا أستاذ.

وزق الصندوق بكل عنف بيا جوا، وشد باب القبر عليا وسمعت صوت تزييقه بباب القبر وهو بيتفقل، وبعدها صوت تكات القفل وهو بيقفل وبيكتب (عوده نادر فوده إلى القبر)

العنوان الثالث

وسمعت صوت خطوات (مصباح) وهو بيعد.. وبعدها سمعت
رننة تليفون أنا عارفها كويس (الرننة الملعونة)..

بس ما كانتش المرة دي طالعة من تليفوني، كانت طالعة من
تليفون (مصباح)!

(مصباح) نفذ شرط المحفل بدني حي دلو قتي هيحصل على
المكافأة ويستعد لمحفل جديد، محفل طامع جديد ينضم لضحايا
هذا الكيان الشيطاني !

دلو قتي عليا أن أستعد للنهاية الحتمية:

إنا لله وإنا إليه راجعون

أستغفر ربى وأتوب إليه

اللهم أنت ربى

لا إله إلا أنت

خلقتنى وأنا عبدك

وأنا على عهلك ووعدك ما استطعت

أبوء لك بنعمتك علىّ

وأبوء بذنبي

فاغفر لي

إنه لا يغفر الذنوب إلا أنت

سامحني يا رب

سامح تقصيرني في حرقك

سامح تقصيرني في حق أمي وأختي

سامح مشاركتي لهؤلاء الشياطين

يا رب أنت عارف إني مدخلتش وسطهم بعرض أطماع

كل مرضي.. آفتي هي الفضول

اللهم وإن كانت هذه هي النهاية، فاكتبني من التائبين

وإن لم تكن فانقذني وفك كربلي يا أرحم الراحمين.

كنت بدعي وسامع صوت أنفاس من حواليا متجاهلها

وعامل مش سامعها

لكن من فتحة التابوت إللي فوق شوفت عين حمرانايرية بتتنظر

ليا، واختفت!

بعدها شوفت سقف القبر بيتحرك وكأنه بيتفتح ويتبضم قدامي
نور القمر ولكن سرعان ما تحولت الصورة لنار مشتعلة، مصحوبة
بصراخات وعويل مخيف..

حاجة قالت لي حط إيدك على عينيك الثالثة...
مجرد ما عملت كده، كل حاجة اختفت!

رجعت شيلت إيدي من عليها، كل حاجة رجعت!

لقيت فجأة من الفتاحة اللي في التابوت نازل تعان، تحديداً
أفعى دخلت من الفتاحة وكسرت جزء آخر عشان يستوعب قطر
الأفعى.

كانت فاتحة بوقها على الآخر في وشي وجهًا لوجه!
جريت جوا التابوت ولفت على جسمي كله وكتفت دراعاتي
بجسمها فمبقتش قادر اقفل العين الثالثة خلاص!

سمعت صوت أطفال بتضحك وشوفت وشوشهم من خلال
الفتحة

كانوا بثلاث عيون، وجوههم شاحبة، لهم ألسنة مشقوقة زي
الأسنة التعابين، عينيهما الذي جواها طولي زي عيون القطط...
وبتنور!

كنت بيتناوب عليا كل أشكال الذعر والأفعى عمالة تضغط عليا
أكتر وتعصر فيها أكثر، بس فجأة حصل شيء غير متوقع !!!

باب القبر افتح... وسمعت صوت تاني خالص بيقول:

- مين هنا؟ أنت حي؟

ومع الصوت ده قبضة الأفعى فكت عنى ..

(نادر) صارخًا: أيوه أنا حي... انقذني... (مصابح) دفني هنا
وضحكوا عليه بالفلوس... الحقني أرجوك!

الصوت: حاضر.. حاضر.

نادر: حضرتك (رجب) الغفير هنا مع (مصابح) صح؟؟

الصوت: وعرفت اسمي منين؟

نادر: (مصابح) قال أنه هيسرق منك المفاتيح عشان يدفني هنا.

رجب: (مصابح) الكلب... يبقى الكلام كله صح!

نادر: أيوه صدقني.

لقيت حاجة تقيلة اترمت فوق الصندوق، قفلت الفتاحة خالص!

نادر: هو إيه ده؟

رجب: صمت تام.

بعدها سمعت صوت باب القبر بيتفقد تاني!

نادر: لا أرجوك، بالله عليك ما تسبنيش، أنا مش بكدب والله
(مصباح) إللي رمانى هنا!

ومشي (رجب) هو كمان!

حتى الفتحه اتسدت باللي اترمى على الصندوق!

شوية وحسيت بحاجة بتنقط على وشي من الفتحة!

حاجة سخنة لزجة، إيديا كانت اتفكت والأفعى اختفت،
فمسحت وشي... الريحة دي أنا عارفها كويس!

سمعت صوت أنين ضعيف..

نادر: إيه ده مين؟!

الصوت: أنا (مصباح).

نادر: (مصباح).

(مصباح) بصوٍت يحضر: نفذت المطلوب ولقيت (رجب)
كمان بينفذ المطلوب وضربني بالسكينة في بطني!

نادر: يا نهاركم أسود كلّكم!

مصباح: ضحّكوا علياً وملحقتش أفرح بالعمارة!! الولية
هتوريها وheetتجوز بعد ما أموت!

نادر: (مصباح) معاك تليفون؟

مصباح: لا.

نادر: يا فرحتي بييك.

تعالت حشرجة (مصباح) ولقيته بيقول:

- الدود الدود جاي عليا الدود هيأكل جتنى...

الحقني والنبي.. الدود الدوود.

وسمعت صوته وهو بيتهي تماماً وعلى لسانه كلمة واحدة..

الدود

الدود

الدود

أما أنا ففضلت أصرخ: يا ناس الحقوني الحقوق وووني ..

حد سامعني يلحقني؟

مع صرخاتي حسيت بجسمي بيتعصر واتضح لي أن الأفعى
عادت للظهور، كنت لما بسكت بتخفف قبضتها، ولما أصرخ
وانادي على أي حد يسمعني وينقذني، ترجع تعصرني بقوة، فكان
القرار اني عاوز اموت ..

فضلت أصرخ أصرخ أصرخ
وهي تعصر أكثر وأكثر وأكثر
لحد ما أدركت أنه قد حانت الآن النهاية
وظلام يهجم على عقلي وضباب كثيف ينقشع ببطء لأجد
الآتي :

الفصل الخامس عشر

النهاية

بحر ما لوش أول من آخر وسفينة أنا واقف عليها، وسامع ناس
بيتكلموا مع بعض، وبيكولوا:

ـ هكذا نجفت حموتنا، سندخل بأمان إلى مقبرتنا.

ـ ألا يُأدركم إنتم لا دين شرقي ولا سامي إلا جندي من
الأشرار..

ـ وأحد منهم صريح: المحوت.. المحوت.. المحوت.

ـ بصيغت شهادتك حواتي، مجده ما عرف فلوش أول من آخر، محوت
أسود رهيب.. وبذات السفينة يحصل فيها هررج ومرج، وأنا
الوحيد اللي واقف في مكاني بثبات عجيب سببه تسلل آية قرآنية
لعلقي ولقلبي..

العنوان الثالث

(وَذَا النُّونِ إِذ ذَهَبَ مُغَاضِبًا فَظَنَّ أَنْ لَنْ نَقْدِرَ عَلَيْهِ فَنَادَى فِي
الظُّلُمَاتِ أَنْ لَا إِلَهَ إِلَّا أَنْتَ سَبَحَانَكَ إِنِّي كُنْتُ مِنَ الظَّالِمِينَ - فَاسْتَجَبْنَا
لَهُ وَنَجَّيْنَاهُ مِنَ الْغَمٍّ وَكَذَلِكَ نُنْجِي الْمُؤْمِنِينَ)

وَعَمَالَهُ تَتَكَرَّرُ !!

شوفت الحوت بيعد ومع ابعاده لقتني عمال اقول:

- لَا إِلَهَ إِلَّا أَنْتَ سَبَحَانَكَ... إِنِّي كُنْتُ مِنَ الظَّالِمِينَ

لَا إِلَهَ إِلَّا أَنْتَ سَبَحَانَكَ... إِنِّي كُنْتُ مِنَ الظَّالِمِينَ

لَا إِلَهَ إِلَّا أَنْتَ سَبَحَانَكَ... إِنِّي كُنْتُ مِنَ الظَّالِمِينَ

و فوقت من اللي كنت فيه وفضلت وأنا محبوس جوا التابوت

باقول:

لَا إِلَهَ إِلَّا أَنْتَ سَبَحَانَكَ... إِنِّي كُنْتُ مِنَ الظَّالِمِينَ

لَا إِلَهَ إِلَّا أَنْتَ سَبَحَانَكَ... إِنِّي كُنْتُ مِنَ الظَّالِمِينَ

وفضلت أكرر فيها وانا على يقين أن الرؤية دي رسالة وعليها
تنفيذها..

فضلت أقول وأقول:

لا إله إلا أنت سبحانك... إني كنت من الظالمين

لا إله إلا أنت سبحانك... إني كنت من الظالمين

صوت خبط على باب التربة وسمعت بابها بيتفتح وصوت
خايف بيقول: ما أنا قلت لك يا حضرة انه هنا!

كان صوت (رجب)!

اللي كان هنا من شويه.

وبعدها سمعت صوت تاني: وسع يا ضلالي، وسع يا بوز
الإخص انت.

حسيت بالتابوت بيتشد وحد بيقول: غمض عينيك يا (نادر).

وبعده صوت خبط متتابع على التابوت... لحد ما اتكسر
الغطا...

قمت قعدت وخدت نفس مصحوب بشهقة من دبت فيه الحياة
من جديد!

لقيت قدامي عم (مختار) والشيخ (لطفي) شوفتهم زي ملاكين
نازلين من السما..

العين الثالثة

عم (مختار) شدني برا التابوت وخدني في حضنه، فانفجرت
في البكاء زي الطفل لمدة طويلة جدًا وفضلت أترعش وانا مش
متمالك نفسي !

بصيت على القبر، شوفت أشلاء جثة، من الواضح أنها بقايا جثة
(مصباح) ..

أما الشيخ (لطفي) فحط إيده على راسي وقرأ عليا بعض آيات
كتاب الله ..

عم مختار: لازم دلو قتي يا شيخنا؟

شيخ لطفي: فورًا مفيش وقت!

لقيت عم (مختار) كتفني وقال لـ (رجب) التريبي: إيدك
معايا.. يا ابن الكلب انت وإلا هدفنك هنا حالاً.

كتفوني، ولقيت الشيخ (لطفي) بيقرب وشه من وشي ونظراته
مخيفة ومرعبة جدًا!!

نادر: لا لأ... انتم مين؟

انتم تبعهم!

انت من المحفل؟

يا رب... يا رب... الرحمة يا رب.

الشيخ لطفي: دلو قتي يا (مختار).

عم (مختار) مسك رأسي وثبتها بعنف...

وقام الشيخ (لطفي) حط صباعه الإبهام على عينيه الثالثة
وضغط وقال:

(الله لا إله إلا هو الحي القيوم لا تأخذه سنة ولا نوم له ما في
السموات وما في الأرض من ذا الذي يشفع عنده إلا بإذنه يعلم ما
بين أيديهم وما خلفهم ولا يحيطون بشيءٍ من علمه إلا بما شاء
وسع كرسيه السموات والأرض ولا يئوده حفظهما وهو العلي
(العظيم)

يا رب يا مالك الملك

يا رب يا جبار يا متين

يا رب يا حنان يا رحيم

اصرف عنه كيد الأ بالسة والشياطين وأعوانهم

العنين الثالث

اصرف عنه أذى شياطين الجن وشياطين الإنس

اصرف عنه لعنات أهل الأرض وبواطنها

اصرف عنه لعنات الجن وأعوانهم وعشائرهم

بسم الله أستعين

بسم الله أستعين

بعظمة اسمك الذي إذا دعيت به أجبت

اصرف عنه ما حل به من تلبس وتجسد

اصرف عنه ما حل به من سحر ومس وتجبر

بسم الله الجبار وبمفعول هذا الاسم

بسم الله المنتقم وبقدرة هذا الاسم

بسم الله القوي وبيطش هذا الاسم

بسم الله الأول وبتأثير هذا الاسم

بسم الله المتين وبامتداد هذا الاسم

حسيت حرفياً أن عيني دي هتنفجر، لكنني ما قاومتش، كنت
عاوز أخلص من كل حاجة حلت بيا، سمعت صرخات متتالية
مخيفة وأصوات ناس بتتعذب.

صوت جاي من الجحيم بيقول:

العين الأم في خطر اصرفوها عنه واتركوه

العين الأم في خطر ... اصرفوها عنه واتركوه

ستركك ستركك ستركك

لتك دينك ولنا دين

لا عهد لنا بك!

لا طاقه لنا!

بمن يعاونك!

لا عقاب!

لا انتقام!

العين الثالثة

لا حساب!

عد من حيث جئت!

عد من حيث جئت!!!!

شال الحاج (لطفي) إيهه من على عيني الثالثة

شوافت بيها لآخر مرة

شوافت المحفل بيتلاشى

شوافت الثلاث شباب بيخرجوا من شقتي بيجروا ومعاهم ورق

وصناديق

شوافت الثلاث رجال قاموا من على الكراسي بينسحبوا ومعاهم

الثلاث مسوخ

شوافت حارس العين..... بدون عين

أيوه بدون عين

وماشي يتختبط في الحيطان في شقتي

وبيتحسس طريقه للخروج من الشقة! لحد ما خرج في النهاية!

ضربة عنيفة وأخيرة من الشيخ (لطفي) قضت على العين تماماً،
وانفجر دم من مكانها غرق وشي ...

قلع الشيخ (لطفي) الشال بتاعه ومسح به وشي، وسندني هو
وعلم (مختار) إللي ضرب (رجب) بالبوكس وقعه في الأرض لما
كان جاي يقوم معانا!

سندوني وطلعت لقيت (ساندرا) واقفة بعربيتها وأول ما شافتني
جريت وجت سندوني معاهم، وانفجرت في البكاء لما شافت
منظري وقالت:

- يا رب احمينا يا رب

خير يا أستاذ (نادر) حصل إيه لنكل ده؟

ركبت العربية على الكتبة ورا وحط عم (مختار) راسي على
كتفه عشان ارتاح ..

وركب الشيخ (لطفي) قدام جنب (ساندرا) وطلب منها توصلنا
الشقة بتاعتي ..

وانطلقت العربية مغادرة هذا المكان الموحش متوجهة لشقتى،
وصلنا البيت وطلعنا الشقة لقيناها مقلوبة حرفياً، قلت في نفسي:
أنا شوفت خروجهم كان كارثي من شويه، حارس العين كان ماشي

العنوان الثالث

بيخبط في كل حاجة... غالباً كده هيتم خلاص تغييره لأنه معرفش
يحفظ الكيان والعين.

نادر:

- وانت يا شيخ (لطفي) وبفضلك سابوني وهربوا من مواجهتك.

الشيخ لطفي: كل ده بفضل ربنا وبفضل بنت الناس الطيبين.

وشاور على (ساندرا)..

ساندرا: أنا ماكتتش متخيلاً إن ممكن أستاذ (نادر) يكون بيعاني
كل المعاناة دي، أنا أول ما وصل لي الإيميل من حضرتك عملت
إلي طلبه مني بالضبط،

هو بعث لي يا (ساندرا) اطلبني عم (مختار) على الرقم

..... ٥٥

وقولي له يبلغ الشيخ (لطفي) ان أنا دخلت كيان شيطاني برجليا
خلافني يظهر لي عين تالتة، شوفت بسببها الجحيم بعينه، خلية يقرأ
كويس ويعرف إزاي يخلصني منها وكل ده يعمله وهو جاي في
الطريق، مفيش وقت يضيعه، خلاص أنا في طريقي اني هتدفن..
هتدفن في مقابر معرفش هي فين !!

قولي له انقذ ابنك (نادر) وهات معاك عم (مختار) ضروري
وهيبيت لك يا (ساندرا) الموقع بتاعي..

حالاً يا (ساندرا) أي ثانية هتضيع هموت بسببها..

أنا ما فهمتش حاجة، كلمت الأستاذ (مختار) وقلت له كل إللي
حضرتك بعثهولي على الإيميل وصلوا، وجينا جري على هنا..

قاطعها عم (مختار):

- لما وصلنا لقينا واحد بيجري، مسكنته ضربته لحد ما عدنته
العاافية لحد ما قال انه ميعرفشكش لكنه عارف انت مدفون فين،
ووصلنا التربة وطول ما احنا ماشيين وأنا عمال أديلو بالشلاليط..

نادر: أنا مش عارف من غيركم كان هيحصل إيه، شكرًا يا
(ساندرا) على استجابتك السريعة.

ساندرا: تحت أمرك، هسيبكم بقا وأشوفكم بكرة إن شاء الله.

نادر: عم (مختار) أبويا الروحي، عمري في حياتي ما بنسى أني
بفكرك بشبابك وأنك مكان أبويا الله يرحمه.

العنوان الثالث

نادر: شيخ (لطفي) أبويا و معلمي و سندى، الكلام عندك
يخلص، أنت دايماً مفتاح النجاة والخلاص من شرور الجن
وأعوانهم ..

أنا عارف أني تاعبكم و علطول مبهدلكم معايا وأني بغلط
علطول، بس والله المرة دي بالذات كل إللي حصل... حصل
غصب عنى... سامحونى.. سامحونى.

وانفجر (نادر) باكياً من جديد كالطفل المحتملي بوالديه،
واستلقى على الأريكة ثم نام...

نام برغم كل ما يشعر به من ألم في كل أنحاء جسمه!
نام برغم كل الانهيار الذي يحتاج كل جوارحه!
نام ولأول مرة منذ زمنٍ بعيد..

نام كنومة طفل اطمأن لوجود أمه بجواره، فأعطى لكل مخاوف
الدنيا بأسراها ظهره ونام ملء جفونه، وأمامه يجلس على الكراسي
شخصان، اختصهما الله أن يكونا سنداً وعوناً له في مغامراته
ومراحل حياته؛ العم (محتر) والشيخ (لطفي)..

تعافيت:

تعافيت من كل جروحني الجسمانية وما زلت أحاول ترميم
جروحني النفسية..

كنت أذهب يومياً إلى المستشفى لتلقي العلاج، ما بين مضادات
حيوية وأمصال ضد الحشرات السامة (الجعارات غالباً)..

امتناعاً جسدي بندوب كثيرة، يتحدث كل منها عن تلك التجربة
المريمة..

وعن ذلك الكيان الشيطاني الذي استحوذ علىي، وقد ادعني
للهلاك..

لولا أن أراني الله الحقيقة ...

بعد أن تعافيت:

جلست مع الشيخ (لطفي) وتحدث لي ببساطه:

- (نادر) أنا مش هقدر أقولك بطل اللي بتعمله، لكنني بجد أنا
بقيت خايف عليك جداً، أنت بقى بتدخل أماكن أنا نفسى لا علم
لي بها..

(نادر) أنت حالياً شخصية معروفة ولها إللي بيحبوها بالملايين،
حافظ على نفسك يا ابني علشانهم لو حتى مش عشانك!

او عى تفرح بالتطور إللي مغامراتك بقت توصل له ...

أنت حالياً تجارب المس والسحر وتلبس الجن بقت بالنسبة لك شغل أطفال وأنا عارف ده، لكن انت حالياً تقترب من إبليس، إبليس طريقه بيان من برا أنه طريق مغامرة لكنه في الحقيقة هو ملوش غير مفهوم واحد، هو طريق هلاك بيحبك له واحدة واحدة ..

يمكن كلامي مش هيغير حاجة ..

انت ربنا بيحبك وبيع特 لك إشارات للخلاص دلوقتي،
بس أنا خايف بعد كده الإشارات دي تقف، وصدقني لو
الإشارات دي وقفت، انت هتكون السبب الوحيد في وقوفها يا
(نادر) ..

قرب من ربنا يا (نادر) ... نصيحتي ليك لحد ما أقابل رب كريم.

بعد أن تعافت 1 :

رحت العنوان مرة تانية
شارع الفجالة
وطلعت العمارة وخبطة على الشقة
خرجت لي عمة (هالة) ..

العين الثالثة

نادر: (هالة) موجودة؟

عمة (هالة): مين حضرتك؟

نادر: حضرتك نسيتني؟ أنا كنت هنا من كام يوم!

عمة (هالة): من كام يوم! أكيد حضرتك تقصد حد تاني!

نادر: لأكت هنا وقلت لحضرتك ولـ (هالة) على الخطوبة.

عمة (هالة): يا ابني (هالة) اختفت بقالها مدة قبل وفاة أبوها،
في إللي قال إنها اتختطف وفي إللي قال اتقتل، وفيه إللي قال
المكان بتاع شغل ابوها اللي في الصحرا مسكون بالجن، فخدوها
تحت الأرض!

وأخويا يا عيني مات بعدها

حتى محدش عارف مات إزاي

بس مات موتة وحشه أوبي.

نادر: بالله عليك (هالة) ما كانتش هنا من كذا يوم؟

عمة (هالة): والله يا ابني ولا كذا شهر حتى...

بعد ما تعافت 2:

رحت المكتب لقيت صدر قرار بعودتي لمنصبي السابق، وتم
إلغاء فكرة وجود مكتب خاص بي، وتم نقل (ساندرا) لمكتب
آخر.. ورجعت كما كنت!! والكل حتى ما سألش إيه إللي حصل!

أنا بس الوحيد إللي عارف إن كل مكافآت المحفل اتمحت
بالكامل.

أنا راضي ومش عاوز أكتر من ورقة وقلم وجهاز تسجيل
وشكرًا..

بعد أن تعافيت 3 :

فضلت أبعت لـ (زهرة اللوتس) أو (نسرين) رسائل كثيرة،
لعل وعسى تكون هي كمان رجعت لما قبل المحافل!
لكن للأسف كانت الرسائل تذهب ولا يأتي لي رد مطلقاً..

مسحت التطبيق الملعون، إللي اسمه **deep black** كان غالباً اختصار

فصلت موبايل (زهرة) وحططيه في علبته بعد ما (هاني) صديقي
العزيز بعث لي تليفون زي ما كان واعدنني ...

كنت بستنى بين كل لحظة والتنمية أسمع الرنة الملعونة!
امبارح بالليل دخلت على النت علشان أشكراً (هاني) وأسئلاته
على مجموعة حاجات مش فاهمها في التليفون!

وببدأ بالفعل يشرح لي وأنا أدون كل حاجة وراه، لكن وأنا بكتب
لقيت رسائل متتالية:

العين الثالثة

(نادر)

(نادر)

(نادر)

وكان المرسل هو (زهرة اللوتس السوداء) !!

بعدها سمعت رنة عارفها كويس .. رنة ملعونة ...

بتشير في نفسي كل أشكال الرعب ...

كان مصدرها تليفون (نسرين) اللي مفيهوش شريحة أصلًا !!

فتحت الدولاب ... وطلعت موبايل (نسرين) وجابت ساطور

من المطبخ ونزلت عليه لحد ما اتكسر مليون حنة !

حتى اللحظة وأنا أكتب هذه السطور الأخيرة

ليس لدى ما أجزم به عن حقيقة هذا الكيان

كنت في بداية الأمر أظن أن هذا الكيان هو ما يدعى بال Mansonie

لكن حارس العين كان يحاول إبعاد الفكرة عن رأسي تماماً

هل فعل ذلك لأن تلك بالفعل هي الحقيقة وهم كيان آخر أكثر

أو أقل قوة؟!

أم كان ينفي ذلك عمداً حتى يضمن ولائي التام لهم؟!

هذا هو السؤال؟

والذي لم أجده له إجابة شافية !!

بعد أن تعافت 4 :

ما زلت كل يوم أصحى مفروعاً من النوم، أجري أبص في المراية
وأحسس على مكان العين الثالثة ...

ثم أسجد لله شكرًا على اختفاء هذه البؤرة الملعونة من جسدي
وأتذكر ما جلبت لي من ألم لا يحتمله بشر ..

بعد أن تعافت 5 :

فتحت درج مكتبي ولقيت جواب كان جاي بريد سريع من
إحدى دول الخليج وكانت (ساندرا) اللي جابتهولي وشيلته،
وبدأت أقرأ لعل وعسى أنسى كل التجربة المريرة ..

والأهم اني أنسى عودة (هالة) وانتقامها مني لذنب لم أرتكبه
قط !

كنت أظن أن ذلك الخطاب سيكون هو الدواء المؤقت لحالتي،
فإذا بي أجده نفسي غارقاً في قصة أخرى رهيبة كعادتي !

من مغامرة لمعاصرة

ومن حقيقة لحقيقة

ومن وهم لوهـم

العنوان الثالث

ومن أشخاص بالحاضر لأشخاص بالماضي والعكس
انتظروا القصة القادمة، ربما تكون بالراديو مع صديقي (أحمد
يونس)

وربما تكون في رواية قادمة
رواية بطلتها اسمها: ع

حياتي وحبي

نادر فودة